

清史紀事本末

清史紀事本末卷七十

日俄之戰

德宗光緒二十九年冬十二月因日本與俄羅斯開戰宣告局外中立甲午之役俄獲遼東於日人之手名為還我中國實則擴張勢力視滿洲為屬地李鴻章赴俄賀加冕俄皇銘之以恩於是中俄密約成斷送滿人祖宗發祥之地且以啟各國覬覦紛爭之漸拳匪既起俄人一面與各國聯軍攻京津一面進兵佔據黑龍江遂自俄道而下分據三省城寨部署官屬建築營堡政府莫能問也及和議開俄人藉口中俄有特別關係堅持東三省事歸兩國另議與都中事別為一談列國和約既定俄乃脅中國駐俄公使楊儒讓另訂交還東三省條約要素甚苛鴻章將許之於是關東各地全置俄國勢力範圍之下而東南疆吏劉坤一張之洞及各省士紳力爭日本亦以前倭怨俄乃會英美兩國力阻乃約遂不成與立公約其東三省撤兵期限約定畫押六個月後先撤盛京西南段至遼河兵再六個月撤盛京其餘各段至吉林省兵再六個月撤黑龍江省兵約既定兩官均回京各國皆按約撤兵而俄兵之據遼東者獨不撤反增兵重佔奉天等處政府不敢出一言以相責問雖外省督撫軍帥有請戰之事在下士論有義勇隊對俄同志會之舉皆屢旨謝絕之而惟倚賴日本與俄之協商俄則借地方未靖馬賊猶多奉天增兵乃保衛俄執為辭以相支吾乃交涉決裂兩國公使遂俱下旗歸國刻期決戰其戰線在中國及朝鮮界內朝鮮介於兩大之間於兩國戰事既不敢過問中國新受大創亦不敢問境內主權門庑之內聽人鬭爭遂守局外之例宣告中立

三十年春正月日本兵敗俄兵於鴨綠江佔九連城鳳凰城當日俄未開戰之先俄皇尼古拉士  
第二命其臣阿力喀塞克夫為遠東總督海軍提督詔曰繼自今遠東責任悉歸阿外部不必問  
也阿既履新則一主倭據遼韓之謀告俄皇曰日本易與耳雖外示情張必無戰事故是役以前  
俄京無人策日本出於戰者至決裂之前數日俄皇猶告人曰一切幸平善日本終歸消滅  
朕之朝代固太平之朝代也諸親藩大公（凡俄皇父行大父行皆列爵大公）亦謂必無戰事所  
領庫幣名整軍費大抵自肥故在滿洲之俄軍兵備不整糧食缺乏及知日本將出於戰阿乃令  
駐京雷薩公使游說雷軸與令英美法各國公使雷調停之任英美兩使皆拒絕之遂至開戰時  
西伯利亞東清兩鐵道因構造不甚完全其輸送力甚乏加之馬賊隨在與俄為難運輸尤難期  
得力然阿雖狼狽不堪而外表鎮靜一若不以日本為意者迨至仁川一敗旅順再敗日人以魚  
雷入旅海具舟師阿與諸將方張樂高會而俄皇於其名亦御樂部於某名園及歸得阿電知所破  
壞皆新艦始如夢覺俄后聞幾利親王受傷慟甚而景是役也俄之臺艦覆沒統帥淪亡擊沉之  
驅逐艦將士無一生者其第一等戰艦彼得阿帕羅司瓦中人陣亡尤慘除太平洋艦隊司令長  
官馬克羅甫提督外計參謀長米拉司副提督一兵官二十三教士一畫工一副管駕一兵弁等  
六百餘又陸軍大佐一同時陸軍亦挫於定州其後鴨綠渡安東下九連克鳳凰破日虜所指俄  
兵皆望風潛逃矣夏四月日本兵於奉天之大孤山上陸佔金州以困旅順俄自出兵以來將  
士皆不用命無事時飲博淫山遇戰則驚亂而不相救自馬克羅甫戰歿俄皇以阿力喀塞克夫  
督師無功特簡陸軍大將若魯巴金代阿為海軍提督並以黑海艦隊司令長官廬理羅甫羅馬

克羅甫為太平洋艦隊司令長官時官至軍中視事。日本聯合艦隊司令長官伊東平八郎乃來其防備未至。督軍節節前進。第一軍攻佔岫岩之大孤山。全師上陸。專向北進。名城要隘。以次佔守。以絕旅順之援。所謂拊其背也。又分軍監守港口。以杜俄兵之出。而扼其吭云。六月日本兵佔大石橋。營口牛莊及析木城海城等處。上月日本第二軍攻佔熊岳城。進陷蓋平。是月日軍進攻大石橋。俄人以第一第二第九第三十五各師團及西伯利亞預備兵一師團來拒。苦戰已全親臨督戰。受重傷。軍士死者二千餘。餘遁去。為日軍追擊。極形狼狽。日軍遂佔領大石橋。及其附近一帶。是日營口俄官聞大石橋受攻甚急。立率師往援。無幾分道遁去。營口同為日軍所佔。據進薄牛莊。析木城海城皆克之。俄軍死者又五千餘。俄軍自出於以來。軍士皆嫉視政府。無鬪志。在房店之戰。俄軍甚為得勢。領將司他克堡大將以有利之可乘。令勿逃。且以必勝勗之。眾曰。必求勝者。若自取之。其退如故。司他以手銃擊其前行。而以末丸自轟其首以死。敗聞。俄皇憂憤至廢寢食。其國內革命黨勢益猖獗。波蘭亦謀獨立。而新造兩巡洋艦竟有人欲謀炸燬。秋八月日本兵敗俄兵於遼陽城外。遂佔遼陽。又敗俄兵於沙河。日本第一軍既佔細河沿分三隊進攻連敗俄軍於湯河紅沙嶺大西溝孫家砦弓張嶺雙廟子石嘴子大西壘嶺香山子益友溪孟家砦。第二軍敗俄軍於雷家堡黑牛屯余家臺曹方屯壞瓦溝新立屯徐上堡。俄軍遂不支。向遼陽而退。日兵亟追之。熾遼陽車站。迫壓俄軍至太子河右岸。俄軍擠入河內。死者甚眾。至是佔領遼陽全部。是役也。前後戰至十日之久。兩軍死傷以數萬計。為開戰以來之一大戰。冬十一月以俄國波羅的海艦隊東來。飭沿海各省戒嚴。日俄之戰已歷一年。自俄師潰出遼陽。中國日望日俄

之議和。俾歸我東三省。即各國公論。亦望日俄之將出於和。而俄人於遼陽戰敗之後。其於喪師失地之辱。若不甚指。意惟日夕籌備。波羅東行之事。思大逞志於日本。以雪恥。於是各國相顧失色。中國政府。亦飭東南各省官吏戒嚴。十二月。俄國旅順守將乞降於日本。日本海陸軍圍攻旅順。苦戰經年未下。始而仰攻。繼而堵塞。終而決圍。大小數十戰。皆無效。日軍於是年九月十八日。大起總攻。預備在二十六日。將其陷落。以作日皇誕辰之酌禮。然總不能滿望。至上月二十六日。俄力不支。自將人臺及兵艦等。悉數炸毀。於傍晚九時。遣使齎書詣日營投降。翌日。日軍乃本希典大將答書許之。訂期二十九日受俘。至是月初二日。收受始畢。共計武弁八百七十八。兵士二萬三千四百九十一。方五六月間。日軍之在旅順也。守將司多塞爾將軍已欲降。為其下士官二百二十九人所僞。又勉守半年。至是司多塞爾定於是月初七日。由青泥窪歸國。三十一年春二月。日本兵敗俄兵。佔奉天省城。是役自正月十六日開始。鏖戰逾月。初五日。約凡二十一日。日軍卒佔領奉天。於是俄軍咸向北退。據守鐵嶺。為防禦地。計俄軍之與於是役者。共步兵三十萬零八百。騎兵二萬六千七百。大砲千五百六十八。為日俘虜約四萬數千。死傷者十一萬六千五百。日人死傷亦四萬二千二百餘。日本兵連敗俄兵。佔鐵嶺及開原。鐵嶺位哈爾濱遼陽間。時俄帥普魯巴金。已撤去滿洲軍司令長官之職。降為滿洲第一軍司令官。而代之以陸軍大將尼維羅。頗善戰。然新敗之師。終不敢果勝之卒。方日軍之自奉天而北也。沿途敗殘俄兵。紛紛乞降。於是日軍長驅而進。是月十二日。佔鐵嶺。俄軍北退開原。日人分兵進攻中途。無一抵抗。十四夜。直入開原。翌晨。俄軍棄開原。役為日軍擊退。夏四月。俄國波羅的海艦隊。為

日本海軍戰艦於日本海之對馬島海峽先是俄人自波羅的海合三艦隊與一切運船共計不下百艘自上年七月鼓輪而東其與日本為海上之角逐日本東鄉大將聞之時已為迎戰之準備揚言第一期海戰事畢於十一月下旬回國而陸軍所部聯合艦隊向西往接波羅的海艦隊惟若邀擊太驟則俄雖戰敗不難入中立之地以求庇不能使之全歸覆滅或不然而邀擊太驟則俄艦隊已北進將與其海參崴根據地相近擊之亦未易有功必俟其至進退失據之地主客互異之交猝起擊之然後可以一鼓而殲也故俄艦隊自歐洲出發以來留於馬達加斯加者半年游弋於安南者兩月然後直北過臺灣海峽經中國洋面而至對馬島海峽而日艦則始終潛伏其來南洋也聽之其過臺灣海峽也聽之其至中國洋面也亦聽之迨至對馬海峽附近之沖之島日艦隊始直出攻擊俄艦與斯頓盤亞(戰艦)先為一破所中毀其司令臺俄將福格克馬爾復連中數艘傷重而沈餘艦雪蘇完利特(全上)捺氣麻夫(巡洋艦)喇墨麻捺克(全上)亦受重傷入夜復被日驅逐艦隊及魚雷艇隊追擊機關全損翌晨飄至朝鮮海面為日艦信濃丸等所見未及拘捕而沈其那槐林(戰艦)一艦亦於戰時疊中魚雷四次登時沈沒旋日本新高音羽兩艦搜擊俄艦蘇維威勒那(巡洋)於喜哥根海灣(屬朝鮮)沈之磐手八雲兩艦擊沈俄艦烏式攷(海防艦)第四艦隊及第二驅逐艦隊迫脅俄艦尤米脫蕩斯科(巡洋)駛至歐林島東南海面(屬朝鮮)觸礁而沈其餘俄艦沈沒者坎內士蘇槐羅敷亞力山大第三海羅提諾(皆戰艦)根姆芝加伊魯琴斯克(皆特別差遣艦)五艘及驅逐艦三艘為日所捕者奧瑟爾尼古拉士第一(皆戰艦)阿發利基新加文(皆海防)勃清完(驅逐)五艘不知下落者受爾墨池(

巡洋一艘。當次內士蘇槐離散之將擊沈也。俄總司令官羅司諦司溫司開與其部下將士改乘  
奧黎爾艦。圍逸至濱田海岸。為日艦俘獲。又第三艦隊司令長官海軍少將尼布格爾士夫。當日  
艦圍攻時。度不能脫。遂率軍士降。此外為日所俘者。海軍大佐納綺麻夫。及兵士二千二百二十  
三。餘皆遁。為計是役。俄有二十六艘之主力艦。傷至去其二十二。日艦沈沒共魚雷艇三艘。兵士  
死傷約一千四百人。說者謂此次之戰。誠為自古罕有之大海戰。六月日本兵連敗俄兵。佔庫  
頁島。是月初五日。日本艦隊抵庫頁海面。行掃海軍事。聯合海軍枝隊。即時登陸。攻佔沿海地方。  
翌晨。日艦隊往助陸軍進攻。可殺克夫城。至時。俄軍已焚城遁。其地為陸軍所佔。窮追俄軍。至達  
里宜異西北之陣地。攻擊一日。至初十日。俄兵不支。向摩喀而退。於是庫頁南部全為日軍所得。復  
追踪俄軍。連敗之於第一愛爾科夫。第二愛爾科夫。第三愛爾科夫。尼凱科夫。波慶白。亞力山大  
夫斯甘城。枯衣城。魯衣科夫。維德尼哥斯。克帕利烏。大陀倫。南境等地。俄軍益傷。不能走。二十八  
日。其司令長官利波諾夫。遂率其將校七十。兵士三千二百。同降於日軍。而日軍軍政遂得施行  
於庫頁全島矣。秋八月。日本與俄羅斯議和。於朴子茅斯城。日俄自對馬海峽大戰後。美總統  
羅斯福。出為調停。日俄皆允之。日外務大臣小村壽太郎。駐美使臣高平小五郎。俄國務卿武爾  
齊威第。駐美使臣羅善。同為議和專使。會議於美國之朴子茅斯。磋商將及一月。至是月初六日  
和約始成。計共十條。一。日本在朝鮮得有最大之權。二。彼此撤退滿洲之兵。三。將滿洲交還中國。  
四。開放滿洲門戶。五。庫頁島各得一半。六。交出遼地租契。七。割讓哈爾濱以南鐵路。八。俄國可以  
經過滿洲之鐵路。改為商路。九。俄國將供養俄俘之費。計日金百五十萬。元。給與日本。以代賠償。

軍費十日本得有在海濱業魚之權計是後自二十九年十二月至是月戰爭歷二十九月乃定  
編者曰歐之俄亞之中皆自號為大國者也列強亦震於其國土具體之龐然擬之曰北方之  
熊東方之獅乃不十年間而皆大挫於西區島國之日本此其失敗之原因究何在乎吾人試  
於事定後準陸士衡辨亡之例而原中俄兩國之敗則其間同點甚多民族之複雜同政體之  
專制同官吏之貪墨同軍紀之廢敗同文隋之虛飾同財政之紊亂同至其甚者國主之受制  
母后官邸之鬻賣軍職亦無不同且開蒙以前日人惟不輕於言戰而戰備畢具俄與中則宣  
戰之詔已達敵廷始着手於戰事必要之準備亦同開戰以後將領之不足任軍士之不用命  
軍中公犯淫博戰敗固不救反陷之一軍小挫萬夫膽裂聞風走避奔突狼奔又無一不同然  
則綜足數者觀之又不得不大東溝與對馬島兩次戰事之結果而中日之戰日俄之戰其所以  
勝負者已見特世之人不之察耳



清史紀事本末卷七十一

改訂藏印條約

德宗光緒十六年春二月駐藏大臣升泰與英國總理印度大臣蘭士丹在孟加臘城會議藏印條約八款成初英人既併有印度急欲北圖西藏先收哲孟雄布升廓爾喀三國為保護藏人懼英之偏並憾哲部之私結英人遂於光緒十四年正月遣兵入哲集堡塞於龍吐嚴陳兵備阻絕商旅英人將出兵擊之總理各國事務衙門聞之與駐京英使威妥瑪定約停止英兵入藏而飭令藏人速撤龍吐卡房駐藏大臣文碩抗疏爭謂地為藏地撤無可撤政府斥其迂謬撤文碩還代之以升泰旋英人麻葛萬帶兵至哲攻燬龍吐卡房藏兵退還八月藏兵復與英兵相攻擊藏兵敗喇利亞東朗熱等隘同時失去於是升泰派員赴邊阻至英兵並自至邊境勒令藏兵解散與英員保爾會商界接總理衙門亦派稅務司赫政往幫同商議尋保爾約升泰至獨脊嶺會議至是約成計八條一訂定藏哲之界二中國認哲孟雄為英國屬地三開印藏通商之路及外交交涉四另訂藏印通商之約五另訂哲孟雄界內游牧之事六另訂印藏官員交涉之文移往來七此約批准後限六個月由駐藏大臣暨英國駐印大臣各派員會商第四第五第六另議之事八此約批准六個月內在倫敦互換正約

十九年冬十月四川越蕩營參將何長榮稅務司赫政與英國政務司保爾在大吉嶺議定藏印通商交涉游牧條約九款又續款之條成此遵十六年之約妥議界務商務詳細章程計接議條款九條一定開西藏亞東為通商口岸二租備建置三交涉案件四洋關稅則五同六交涉案件

七、交際儀文。八、同其內容之最要者。亞東以光緒二十一年開市。設稅關。以總稅務司赫德轄之。限五年以內不徵稅。惟英人欲於藏哲交界處立界牌。中國不許。而英人入藏自由之權利亦不完全。英人怏怏。至二十九年。遂有率兵侵藏之事。

三十年秋八月。命三品卿唐紹儀前往西藏。查辦事件。先是俄人與英人爭藏。英人對藏政策。全以威逼。俄人則純用懷柔。於是中日戰爭以後。藏人知中國之不可恃。欲結俄為援。冀以禦英。乃傾嚮於俄。及聯軍陷北京。之報。達拉薩（藏京）中國威信墜地。俄乃誘藏結密約。至二十九年。日俄將開戰。英人乘其時。俄人不能南下。乃藉口藏人於光緒十六年十九年之條約。不能履行。於上年九月十八日。遣其大佐榮赫鵬。率遠征隊。由印度進兵。十一月初六日。達於藏境之花梨。駐軍三月。有奇。俟麥都那將軍大兵之至。會齊以是年二月十一日。指江孜進發。計共步兵八百五十馬兵。百五十。銀六十五。日抵緬納藏軍衛戍地也。是日藏政府使使入英軍。請勿進。榮赫鵬告以此次之來。帶平和的使命而已。強進不止。藏軍十五百拒之。遂開戰。麥都那幾負傷。俄而藏兵大敗。死傷五百。捕虜二百。十八日駐藏大臣有泰（即前大臣升泰之弟）遣人至英軍止其前進。不聽。但約有泰赴帕克里議和。照十六年條約辦理。願即休兵。有泰藉口商上不肯支應。烏拉不能啟程。怯不進。二十日麥都那進台巴。誤阿湖擊退藏兵八百。傷亡甚眾。翌日英人派格蘭卡斯兵及印度兵各一中隊。與藏兵戰於嘉羅山。山下歷六小時。英軍傷亡二十五。藏人二百三十三。日英軍抵江孜。以東。峽路藏軍千五百守之。以發砲不能命中。英軍安然直進。四月十二日駐英使臣張德彝電達外務部言。已商英藩部。請電印度總督。哈士六停止進兵。所議各條。請

與駐華英使薩道義商定。電藏速辦。政府與薩使議不諒置之。十三日。英軍襲據巴拉村及附近村落。十八日。榮赫鵬牒告有泰。限以本月二十五日。至江孜會議。二十四日。藏軍襲坎馬之英軍礮臺。不利。死者百六十四人。時英國兵力總數已有四千六百人。五月十三日。英軍既佔領江孜。仍盼有泰赴議。有泰仍不敢進。日擊藏姬五六人。赴柳林子備酒跳舞。納涼。藏人皆切齒。十六日。藏人乞英軍休戰。以待拉薩使節之至。英人許之。約以三日。十九日。藏政府代表至江孜。與榮赫鵬會議。不得要領。復展休戰期限三日。二十二日。休戰期滿。榮赫鵬復下令攻擊。破江孜礮臺。六月初一日。榮赫鵬傳檄遠近。布告入拉薩議和之事。翌日。拔隊進行。初七日。英軍至拿亞孜。藏政府代表人來言。拉薩為宗教聖地。非商議國事之所。請回使節。返於江孜。英人不許。二十八日。英軍入拉薩。連賴刺麻勒朗結逃。七月初六日。榮赫鵬乃往見有泰。告以中國之責任。且詰有泰不赴約之故。有泰自言無權。受制商上。不肯支應夫馬。以自明無罪。榮赫鵬笑領之。即以此據為中國在藏無主權之確證。於二十二日。列條約十款。迫藏眾即畫押。一。西藏番人。現允遵照庚寅（光緒十六年）約章之第一款。將哲雄孟邊界。重立界碑。二。西藏番人。應允除亞東關外。並在江孜噶大克二處。開埠通商。英藏商民。均可聽便往來。其於己年（光緒十九年）所立商約。所有不妥處。須與藏番商改。改定後。以上所開之三地。均須遵辦。其商民前往印度。應就現行道路。轉運。如另有商務興旺之地。再行商酌添設商埠。三。於己約章。甚不妥協。應另索由西藏派番官。與英國商改。四。稅則一經訂妥。從不得再加。五。由印度邊界。至亞東江孜噶大克三處邊界。沿途不得設立關卡等。如各該處道路險峻難行。仍須由藏修理。又該三處。應由西藏設立番官。所有駐紮

該處之英官。如有文件致駐藏大臣及漢番各官。均應由該官接遞。將來他處如添設商埠。亦應仿此辦理。六、因藏番不遵約章。開罪英國邊務大臣。妄動兵釁。應由藏賠給兵費五十萬磅。合盧布七百五十萬元。勾作三年付給。以西曆千九百零五年元旦為首期。至該款定於何地交收。應由英國先行咨會。或即在大吉嶺交收。七、因欲將前六款實力辦到。故印兵英兵仍行留駐春丕（即城備）俟三年後商埠已開。賠款已清。方行撤退。否則仍駐該處。八、由印度邊界至江孜及前藏地方。凡扼塞之區。均須由藏番修改平易。九、此後如不經英國允許。則無論何國人。不得典賣租給西藏土地。又不得預聞一切應辦事宜。又無論何國。不得派遣官民到藏。協同藏番辦理各事。又不得干預修造並築路開礦等事。又各樣恆產及一切值錢產業。不得自與外人抵押對換租賣。十、此約由英國邊務大臣榮赫鵬與達賴喇嘛勒朗結。於九月二日。（西曆）在西招畫押蓋印。約文用英文及番文繕寫。以英文為準。約既成。翌日有奏據以電告政府。猶以從權辦理。先行簽約為請。並言勒朗結潛逃。請即傳旨褫革。詔以西家子達西刺麻代任。而嚴緝勒朗結。即令有奉與英使協商藏地通商之事。旋俄德美義公使環起抗議。而俄尤劇。其駐京公使瑛科第屢向外務部聲言。中國若輕易開放西藏。則中國須將庫倫新疆等地事權讓俄。亦須另立專約。於是政府始發實責有奉使廢約。有奉電請專派全權政府。仍令其竭力議駁。並命川督錫良赴巴塘。與有奉協商。錫良覆奏。藉口於川省患旱。土匪蠢起。辭不往。至是命直隸津海關道唐紹儀開缺。以三品京堂候補。加副都統銜。授為全權大臣。前往西藏商改英藏條約。

三十二年夏四月。外務部侍郎唐紹儀與英使薩道義訂藏印正約六條於北京。成。紹儀自三十

年八月奉命赴藏至十一月始成行於三十一年正月。至印度與英議約專使費利夏議不諧二月詔以紹儀接任駐英公使。命直赴英京。毋庸赴藏。時達賴已自庫倫折回西寧。十二月。榮赫鵬忽派兵擁後藏班禪入印。而紹儀在印磋商條約。既已經年。古庸筆秀迄無成議。由外務部奏請移至京師商辦。時值日俄休戰。日使小村壽太郎來議遼瀋約。乃召紹儀還國。紹儀遂率參贊梁士詒歸。留參贊張蔭棠於印。紹儀既歸。仍諭令與薩使交涉藏事。往復磋商。至是始克就緒。計正約六條。而光緒三十年榮赫鵬與達賴所訂之英藏條約仍附是約之後。一切承認之。惟改稱中英續訂印藏條約而已。遂於是月初四日簽押正約。一光緒三十年七月二十八日英藏所立之約。暨其英文漢文約本。附入現立之約。作為附約。彼此允認切實遵守。並將更訂批准之文據亦附入此約。如遇有應行設法之時。彼此隨時設法。將該約內各節切實辦理。二英國國家允不佔併藏境。及不干涉西藏一切政治。中國國家亦應允不准他外國干涉藏境。及其一切內治。三光緒三十年七月二十八日英藏所立之第九款內之第四節。所聲明各項權利。除中國獨能享受外。不許他國國家及他人國民享受。惟經與中國商定。在該約第二款指明之各商埠。英國應得設電線通報印度境內之利益。四所有光緒十六十九年中國與英國所定兩次藏印條約。其所載各款。如與本約及附約無違背者。概應切實施行。五此約分繕中英文。業已細較相符。惟辦解之時。仍以英文為準。六此約須由兩國大皇帝批准。重押。自兩國全權大臣重押之日起。限三個月。在倫敦互換。此約中文英文各繕四分。共八分。兩國全權大臣重押蓋印為憑。

編者曰。當光緒十八年。英國有名之探險家笛羅士史。自西藏歸。語人曰。中國之對藏。舊純用

歐人待殖民地之法時人皆疑其言是則乾隆朝所定原約之功效也。自後人奉行不力。任藏人與外國交涉。遂有英人干預之患。而英藏之約以成。及在北京更定所設中英續訂印藏條約。舉前約而一一承認之。於是西藏地方。遂至受英人干涉。竟不能與無條約之內地同等。遇有戰事。且阻我進兵矣。然則西藏不仍為中英公同保護國耶。嗚呼。西藏嗚呼。西藏主國。

清史紀事本末卷七十二

光復軍之顛挫

德宗光緒三十三年夏五月。安徽巡撫恩銘為道員徐錫麟發覺。錫麟及其黨陳伯平等。均為營兵所殺。錫麟浙江山陰人。沈雄有大志。膽識過人。尤擅權術。時中國政治廢弛。官吏萎靡不振。錫麟每與人論時局。輒歎歔流涕。不能自己。其父梅生嘗切戒之。而錫麟不顧也。弱冠後。以廩生中副車。知科舉傳人甚烈。棄之。入浙江師範學堂。既卒業。為山陰縣學堂堂長。紹興府學堂監督。初辦紹興大通學堂。明遠學堂。後游學德國。入警察學堂。畢業後。至日本。與彼都豪傑之士。及內地志士東渡居留其間者相周旋。洞悉民族之義理。亡國之舊聞。慷慨激發。毅然以光復為職志。知新中國非大破壞不為功。欲以政界為著手地。遂返國。納背為道員候補安徽皖說當事。危切悚動。大為恩銘所激賞。即委任之為陸軍小學堂會辦。逾年。改委巡警處會辦。及巡警學堂堂長。錫麟乃以其間與同邑陳伯平。餘姚馬宗漢。組織光復會。值星期日。輒集巡警學堂教習學生於講堂。開演說。意在灌輸最新智識。以激盪華東同學。而於種族之大義。革命之真諦。常隱隱流露於詞氣之間。眾皆為之激昂。民族思想之泛溢。有一日千里之勢。於是黃漢光復軍遂發生於安慶之陸軍小學。巡警學堂。而流布於紹興之大通明遠。皖秀濟溪。同仁震旦。暨各學校。方擬俟佈置完善。聯合軍警。實達目的。顧錫麟天資雖高華。而性情頗密。籌畫方略。又復深藏不露。以故皖中諸黨道。無人知其為光復軍首腦者。恩銘且嘗語人曰。徐道辦事認真。操守廉潔。洵不易才也。適上海捕獲黨人葉某。得同黨人名錄。知多膺集於皖。而其首領即錫麟之別名。江督端方實

告恩銘嚴密偵探時錫麟為警察長故恩銘與之協商錫麟陽諾之而陰懷事洩且不測欲先發制之又錫麟與海外諸同志時通消息軍火均由大通等處潛運恩銘得信早飭屬嚴切查拏並通電各省為之防範以故黨人多罹於禍軍火耗散亦不能錫麟所欲撲殺皖中滿吏為被害各同志復仇時皖省雖有常備軍兩標其第一標方從事於操練未發鎗械第二標又悉初徵之兵更不諳標法緝捕巡防各隊兵單人少其餘綠營則行伍空虛兵未習練無事坐食而已錫麟欲利用此時機以發難是年二月間已遣其眷屬歸浙至是陰約各機關速為整備訂期是月二十八日同舉道巡警學堂兵生班屆畢業之期連日校中改試將晚照章應由巡撫親臨大校以便撥充站崗為試辦東西兩區巡警地步錫麟遂欲於二十八日舉行卒業式以親巡撫為下手之方尋獲皖省之滿員此外文武可以不報而襲不策而馳事定即溯江直下南京而後徐定大計會恩銘以二十八日須祝壽府章某母壽今改期二十六日錫麟力言為期太促趕辦不及恩銘傳收支委員顧松問之松以一切齊備對遂定期錫麟不得已乃於前一日親自衣冠詣請閩城文武滿吏蒞堂閱操期必到以為一網盡之計是晨八時設威儀於花廳預埋炸藥於地下請各官撫畢閱操其用意欲使巡撫以下悉為灰燼於搏釁之間而恩銘有先閱操後設謀之命於是錫麟知預定一切計畫均不能實行且疑謀已外露意擊巡撫死不擊亦死與其失敗而死盡若冒險一試為之即下令全體官兵生站隊親往操場演說為諸君當結團體救祖國語次激昂聲震遠近諸生驟聞是言尚有茫然不解其命意之所在者旋恩銘及三司道府縣各印委人員五十餘先後至堂恩銘將升座閱外場操演錫麟請先致內場功課恩銘率司道入第三進禮堂



錫麟或服立階上。學生等列隊迎。先由官生行謁。督辦禮恩銘答禮畢。兵生正擬行禮時。錫麟趨進曰。報告大帥。今日革命軍起事。恩銘愕然。未及答。而鎗聲已發。其時錫麟先擲炸彈於地。未觸。欽馬宗漢起舉一鎗。中恩銘右手。宗漢行刺。神色倉皇。手顫不能再試。錫麟即於靴統內突出六響快鎗。兩支握左右手。輪向恩銘轟擊。復連中七鎗。唇腰際及兩腿皆受傷。最後由尾間洞穿小腸。遂仆地。時文巡捕陸永頤。武巡捕卓德文。以身遮護。永頤登時斃。德文亦獲重傷。道員巢鳳儀。傷腰。首府黃鎮湘傷背。顧松及一門役皆擊死。恩銘既中鎗。藩司馮煦命戈什背負與中。送返撫署。恩銘猶能大呼。務將徐錫麟擊獲。收禁司監。并謂巡警學堂全體毫不干涉。毋滋疑畏。一面飭令關閉城門。派兵巡邏緝捕。加調各營以保大局。復稱腹中慟甚。速請西醫起彈。及醫生至。謂彈入臟腑。非剖腹不救。恩銘時已不能言。惟以手指腹。促其速剖。乃一剖再剖。均不見彈之所。蓋其彈為藥水製造。見血即化也。而恩銘遂坐是死。當變起倉猝時。人情恐慌特甚。錫麟手握雙鎗。從容施放。口中猶稱大帥放心。此刺客職道定可辦到。故此禮堂外。皆不知鎗聲所自起。一聞刺客二字。各官乃鳥獸散。尚不疑為錫麟所為也。錫麟見恩銘去後。即偽語學生曰。撫臺已為顧松所刺。我等須往軍械所保護。拔刀出禮堂。與伯平宗漢左執刀。右握鎗。率學生整隊行。既抵軍械所。所員周家煜逃。錫麟等入據之。為抵禦計。及學生取局中所存新舊各礮試用。皆不得手。而兵勇大至。圍之時。統兵者為緝捕營管帶杜春林。中軍兼巡防營標統劉利貞。稽查局員知縣勞文琦等。錫麟急令伯平宗漢守住前後大門。鎗斃弁勇六人。相持六小時之久。錫麟見勢不敵。遂遁身入所。越牆逸去。伯平為緝捕營勇擊斃。宗漢當場被執。先後捕繫學生及夫役二十一名。當各

營兵圍攻軍械所時多不肯向前馮煦道員黃潤九往督催仍不進乃傳令獲錫麟者賞洋一萬元各兵始奮勇攻入見錫麟戎衣遺地下知已改裝出走報至撫署相顧失色一面仍飭嚴緝一面出示加寬能知徐錫麟下落報告者賞洋五千元因拒捕中創身死者賞洋二千元至午後四時錫麟乃弋獲復於巡警學堂錫麟之寢室起出白旗一面上書四言韻語寓光復起事之意子彈四顆鎗炮多支刀三十把封虜大元帥印一版告示百餘張並黨人書信八件皆謀皖語並有運動奉天大俠馮麟閣之證據及其弟徐偉嘉有浙皖辦事兄自酌定等語旋於其私宅起出信件甚多相片百餘張及光復軍大旗一面錫麟解至督練所即由兩司會訊馮煦曰中丞為爾之恩師爾何無心肝乃爾錫麟曰彼待我誠厚然私惠也我之刺彼乃天下之公憤也煦又問曰爾究係孫文之黨否曰孫文不足以指揮我此事僅我與我友宗漢子光復子所為其隨攻軍械所之學生實不知情當時我以鎗迫之不得已而隨行我之罪我一人當之即數十學生之罪亦我一人當之寸磔我身可矣幸無累及他人因問曰新甫（思銘字）死未臬司聯裕始之曰未也僅受微傷耳經西醫診治已全愈明日當親自訊爾錫麟聞言已連變妻首不語聯裕又曰爾知罪否明日將剖爾心肝矣錫麟悟而大笑曰然則新甫死矣新甫死我志償我志既償即使我身為千萬片亦所不惜區區心肝何屑顧及且指聯裕曰爾幸不死聯裕大震幾踣既而曰我固無補即不殺爾庸何傷我本擬先殺思銘次端方次鐵良次良弼馮煦曰爾平日嘗謁見撫臺而不擊之於私室乃至今日始擊之何也曰署中私室也學堂公地也大丈夫作事須令眾目昭彰又問其同黨共有若干堅不答更問教習中有同謀者否曰此輩為衣食起見無一足與謀

者因授以紙筆謂曰請爾自書數語備作供詞可乎曰可其供詞云我本革命黨首領以道員就官安徽專為排滿而來投身政界使人無可防覺滿人虐我漢族將近三百年矣觀其表面立憲不過牢籠天下人心實主中央集權可以膨脹權制然實滿人之妄想以為一立憲即不能革命殊不知中國人程度不夠立憲以我理想立憲是萬萬做不到革命是人人做得到若以中央集權為立憲越立憲得快我漢人越死得快我只拿定革命宗旨一旦乘時而起殺盡滿人自然漢人強盛再圖立憲不遲我蓄志排滿已十餘年矣今日始達目的本擬殺恩銘後再殺端方鐵良良弼為漢人復仇乃竟於殺恩銘後即被擊獲實難滿意我今日之意僅欲殺恩銘與毓鍾山（名秀）耳恩銘想已擊死可惜便宜毓鍾山此外各員均係誤傷惟顧松係漢奸他說會辦謀反所以將他殺死趙廷璽他要擊我故我亦欲擊之惜被走脫耳爾等言撫臺是好官待我甚厚誠然但我既以排滿為宗旨即不能問滿人作官之好壞至於撫臺厚我係屬個人私惠我殺撫臺乃是排滿公理此舉本擬緩圖因撫臺近日稽查革命黨甚嚴又當面囑我擊革命黨首領恐遭其害故先發以制之且欲當眾將他殺死此外文武不能不服從我直下南京可以勢如破竹我從此可事大名此實我最得意之事爾等再三言我密友二人現已一併擊獲均不肯供出姓名將來不能與我大名並垂不朽未免可惜所論亦是但此二人實有學問在日本均知名以我所聞在軍械所擊死者為光復子陳伯平此實我之好友被獲者或係我友宗漢子向以別號稱並無真姓名若爾等所說已獲之黃復雖係浙人我不相識求學生程度太低無一可用之人均不知情爾等殺我剝我兩手兩足將我全身砍碎均可不要冤殺學生皆是我所誘傷使然革命

黨多在安慶者實我一人為排滿事。欲初光復軍。助我者僅光復子宗漢子二人。不可拖累無辜。我與孫文宗旨不合。他也不配使我行刺。我自知即死。將我宗旨大要。親書數語。使天下後世皆知我名。不勝榮幸之至。時司道聚議。援張汶祥刺馬新貽例。剖心致祭。聯裕毓秀皆主先挖心。後斬首之說。勞文琦附和之。馮煦力持不可。曰。斬首。國法也。挖心。私刑也。不得以私廢公。遂定斬首。後再挖心。當晚由宋芳賓勞文琦監斬於東林門下。時年三十五也。復將心挖出。置碟內。供於恩銘屍前。衛隊某並取其肝烹而食之。謂味極美。其屍旋用四塊板封釘。置於落地大雨傾盆。一夜不止。二十七日午前始掩埋於北門外。方錫麟之臨刑也。先拍小影。而神色自若。曰。功名富貴。非所決意。今日得此。死且不憾矣。宗漢旋亦被殺。六月。浙江巡撫張曾勳捕殺紹興大通女學校校長秋瑾。秋瑾向以鼓吹革命為天職。嘗赴日本游學。與同志組織共愛會。因取締風潮。歸國主講清溪學校。教育循序而進。成績為各校冠。復倡辦中國女報。冀以提倡女權。作家庭良導師。徐錫麟事敗。曾勳得脫。撫馮煦電告搜索黨人。瑾時在紹興。任錫麟所組之大通學校校長。會同邑富紳胡道南。瑾仇家也。告密於知府貴福。言瑾藏軍火校中。將為變。勾嶺縣平洋黨為外應。貴福之父與瑾之父為寅友。瑾以通家故。往來貴福家甚密。貴福亦恆推重之。嘗贈瑾聯語曰。競爭天演。雄冠地球。以瑾別字號雄也。一時傳誦。至是貴福入道南言。又以恩銘故。有死狐悲之感。乃微服宵行。馳省告變。曾勳立派巡防營統領李益智。赴紹會捕。旋電令貴福拏獲。後訊明就地正法。益智至。遂於是月初四夜。會同貴福率兵至大通學校。適值暑假期內。學生留校者僅十餘人。時皆驚懼失措。貴福遽命開鎗。致斃二人。傷七人。瑾被拘。教員程毅及學生六人亦捕去。貴福

與山陰會稽兩縣嚴刑酷審。並無通匪實據。迨令跪火練火磚。慘聲達於署外。程毅瀕死而復蘇者六次。瑾堅不承。惟書秋雨秋風。愁煞人七字而已。因搜軍火無着。謂在瑾衣帶中。起出手鎗一支。指為身帶凶器。遽援以具獄。翌晨殺瑾於郡城之軒亭口。時年三十有三也。是役株連者衆。女學界尤甚。前監督孫德清久拘不釋。勒捐洋五千元。得出獄。富紳許仲清被挈在押。亦捐洋至十萬元。乃免復捕繫。同仁學堂學生八人。戲捐公所及附設之學堂幹事員與學生。亦捕去八人。毓秀震旦各學校。皆迫令解散。而貴福之刑幕陳某。山陰知縣李鍾嶽。均以爭此案不平。被撤逐。及省委道員陳翼棟至。查閱案卷。亦有責言。並調查嵊縣無亂耗請撤兵。貴福承旨。故旨持不允。於是浙人大譁。曾敷不自安。遂求調。乃移撫江蘇。蘇人拒之。更調山西。晉人又拒之。曾敷不見容於時。乃乞病居鄂。曾敷為鄂督之洞之兄子。貴福亦援例求調。乃移守安徽之寧國。寧人亦循例拒之。遂不知所終。道南旋為人所殺。益智焚死於粵之大沙頭花艇中。當秋瑾之被殺也。暴屍道路。無敢收葬者。嗣石門徐寄塵桐城吳芝瑛兩女士卜地西湖西泠橋畔。築石葬之。題碣曰。鑑湖女俠秋瑾之墓。逾年。滿御史常徽上疏。請夷其塚。而治寄塵芝瑛罪。時事越年餘。朝士已廉得其實。懼激國人憤。格其議不究。但授意浙當道密令瑾之家屬自行遷葬去。

清史紀事本末卷七十三

預備立憲之宣示

德宗光緒三十一年夏六月。命鎮國公載澤。戶部侍郎戴鴻慈。兵部侍郎徐世昌。湖南巡撫端方。分赴東西洋各國。攷求一切政治。用日本明治十五年伊藤博文之故事也。晚近時代。世界各國以專制具稱者。惟中國與俄羅斯。上年日俄之戰。西人某聞之曰。此非俄日之戰也。乃立憲專制二治術之戰也。已而日果勝。而俄果敗。俄民羣起而為立憲之爭。於是中國士夫亦紛紛主張其說。前有駐法使臣孫寶琦奏請立憲之舉。繼又有二三疆吏先後以立憲為請。而樞臣懿親之中。亦稍稍持其議。南方之輿論。其勢尤張。至是為掩飾中外耳目計。特簡載澤等隨帶人員。分赴各國攷察政治。詔既下。國人大喜。謂此為預備立憲之動機矣。秋七月。續派商部右丞紹英出洋攷察政治。載澤等將出洋攷察。至正陽門車站。遇炸彈。載澤紹英均受微傷。遂改期行。先是戶部侍郎鐵良南下。搜括民財。東南元氣大損。怨聲載道。有吳樾者。安徽桐城人。素具種族之思想。遂慨然以炸鐵良自任。及聞載澤等出洋。攷查憲法。樾恐立憲成。益不利於漢族。乃以炸鐵良為轉而炸載澤等。是日載澤等方至前門車站。樾偕山東人張榕。偽飾僕人裝。携彈親擲。載澤紹英皆受微傷。餘無恙。而樾之下身碎。遂自斃。榕逸去。九月。命山東布政使尚其亨。順天府丞李威。鐸。會同載澤戴鴻慈端方前往各國攷察政治。徐世昌紹英遇炸後。不果行。故改派其亨威鐸二人。冬十月。命政務處籌定立憲大綱。旋設攷察政治館。時雖未明布立憲之說。已隱然以預布立憲之舉動。昭示於國人。然憲法必由欽定。不許人民干預。議者知其粉飾觀聽。非真有公天下

之心也。十一月設立學部。國子監併入。慶親王奕劻等與日使訂中日新約成。

三十二年春正月。北海萬善殿災。三月宣示教育宗旨。從學部奏請也。江西南昌縣民毀法

國教堂。戕殺士王安之等。安之邀知縣江召棠至天主堂議事。召棠咽喉被創。旋卒。人民聚眾毀教堂。戕安之等。詔撤巡撫胡廷幹任。派侍郎梁敦彥偕法使館人員往查辦。尋以給撫卹賠償銀結案。夏四月。裁撤各省學政。改設提學使司。提學使。頒行破產律。派戶部右侍郎鐵良充

督辦稅務大臣。署外務部右侍郎唐紹儀為會辦大臣。秋七月。宣示預備立憲。命先將官制分別議定。俟數年後規模粗具。再行宣布立憲實行期限。時載澤等致察各國政治。回國條陳。仿行憲政。派醇親王載灃等公同閱看。決定先從官制入手預備。詔略曰。現在各國交通。政治法度。皆有彼此相因之勢。而我國政令。積久相仍。日處貽危。受患迫切。非廣求智識。更訂法制。上無以承祖宗締造之心。下無以慰臣庶平治之望。是以前簡派大臣分赴各國。攷實政治。現載澤等回國陳奏。深以國勢不振。實由於上下相睽。內外隔閡。官不知所以保民。民不知所以衛國。而各國之所以富強者。實由於實行憲法。取決公論。軍民一體。呼吸相通。博採衆長。明定政體。以及籌備財政。經畫政務。無不公之於黎庶。又在各國相師。變通盡利。政道民和。有由來矣。時處今日。惟有及時詳晰甄核。仿行憲政。大權統諸朝廷。庶政公諸輿論。以立國家萬年有道之基。但目前規制未備。民智未開。若操切從事。徒飾空文。何以對國民。而昭大信。故廓清積弊。明定責成。必從官制入手。必應先將官制分別議定。次第更張。並將各項法律。詳慎釐訂。而又廣興教育。清釐財政。整頓武備。善設巡警。使紳民明悉國政。以預備立憲基礎。著內外臣工切實振興。力求成效。俟數年後規

模祖具查看情形。參用各國成法。妥議立憲實行期限。再行宣布天下。視進步之遲速。定期限之遠近。各省將軍督撫。諭士庶人等。發憤為學。各明忠君愛國之義。合羣進化之理。勿以私見。害公益。勿以小忿。敗大謀。尊崇秩序。保守和平。以預備立憲國之資格。有厚望焉。派載澤編纂官制。並命端方派員來京。隨同參議。又派慶王奕劻。閣臣孫家鼐。瞿鴻禨。總司核定。九月。宣示釐定官制。內閣軍機處外務部吏部學部。皆如舊。巡警部改為民政部。戶部改為度支部。以財政處稅務處併入。太常光祿鴻臚三寺併入禮部。兵部改為陸軍部。以練兵處大僕寺併入。商部改為農工商部。另設郵傳部。理藩院改為理藩部。各部除外務部外。均設尚書一員。侍郎二員。不分滿漢。都察院改為都御史一員。副都御史一員。命編訂直省官制。命改刑部為法部。專任司法。大理寺為大理院。專司審判。改政務處為會議政務處。改軍機處章京為實官。冬十一月。裁廣東陸路提督缺。歸併水師。升孔子為大祀。十一月。設京師內外城總廳。

三十三年。春二月。郵傳部尚書張百熙卒。予諡文達。百熙與侍郎唐紹儀因事互相搗參。受申飭歸。恚憤成疾卒。三月。改盛京將軍為東三省總督。兼管三省將軍事務。奉天吉林黑龍江各設巡撫。夏四月。御史趙啟霖以奏參疆臣賈毓毅責革職。初。道員段芝貴奉命署理黑龍江巡撫。啟霖具疏糾參。稱慶王奕劻之子貝子銜鎮國將軍尚書載振。至東三省查事。還過天津。芝貴以一萬二千金。購歌妓楊翠喜以獻。復從天津商會王竹林措十萬金為慶親王壽禮等語。廷派醇王載灃大學士孫家鼐確查。至是查明楊翠喜實為商人王益孫買作使女。王竹林係河南候補道。充當天津商務局總辦。實無指金給芝貴之事。覆上。以啟霖污蔑親貴重臣名節奪職。時芝貴



已命毋庸署理巡撫。載振旋亦奏請開去各項差使。優詔許之。至六月復啟霖職。五月命編辦大學士瞿鴻禨開缺回籍。鴻禨在軍機處與奕劻不協。及奕劻與載振屢次為言。官參劾。中西報紙攻擊之尤不遺餘力。奕劻疑為鴻禨所使。嗾學士惲毓鼎參鴻禨。暗通報館。授意言官。陰結外提分布黨羽。疏入。命大學士孫家鼐尚書鐵良查明具奏。又詔姑免深究。著開缺回籍。改各省按察使為提法使。增設巡警勸業道。裁撤分巡分守各道。分設審判廳。增易佐治員。命由東三省先行開辦。直隸江蘇兩省亦擇地先為試辦。其餘各省分年分地。請旨辦理。統限十五年一律通行。六月設禮學館。命嗣後各衙門引見人員暫歸內閣驗放。設軍諮府。永定河南五工北四上汛先後漫口。允農工商部奏請設置公園於京師。時農工商部奏請將西直門外之可園（俗名三貝子花園）量加修葺推廣。改名公園。並由日本運到珍禽異獸多種。並廣植花木。以便游觀。太后時復臨幸。以園中高樓為傳膳之所。太后自題扁額曰暢觀樓。餘如自在莊、幽風堂皆太后所榜題也。秋七月。命內外各衙門妥議化解滿漢畛域。時革命排滿之風日甚。而朝堂之上輒以滿漢官職禮數之不平。等時起暗潮。至是為調和兩造之計。因有是命。命兩廣總督岑春煊開缺。先是張百熙卒。春煊由川督入掌郵傳部。春煊甫蒞部。即劾罷侍郎朱寶奎。奕劻等惡之。適廣東缺廉及饒平會黨起事。遂借此出之以春煊任粵督。春煊疏辭不許。迨至滬遂稱疾不行。至是時旨命開缺。改設警察政治館為憲政編查館。歸併會議政務處於內閣。派農工商部右侍郎楊士琦往南洋各埠。考察華僑。時因南洋華僑商會成立。政府頗為注意。特遣士琦前往各埠考察情形。防其與黨人通也。八月。命外務部右侍郎汪大燮郵傳部右侍郎于式枚

學部右侍郎達壽分赴英德日本國考察憲政。以商人吳金印仿造蘇草帽賞給五等商標。詔設資政院。命各省籌畫駐防旗丁生計。九月。命禮部及修訂法律大臣議訂滿漢通行禮制刑律。命中外大臣薦舉人才。命各省速設諮議局。命各省設立調查局。各部院設立統計處。冬十月。命孫家鼐等輪班進講經史及國朝掌故。十一月。復設廣東水陸兩提督缺。諭禁學生干預政治。諭禁京師開會演說等事。都察院代遞湖南舉人蕭鶴祥條陳請開國會。不允。先是都御史陸寶忠等御史江春霖給事中忠康等前後疏請開國會。謂國會為議院之基礎。資政院為貴族之更名。均下政務處。至是皆議駁。謂應俟各省議事會董事會辦有成效再行議開國會。命民政部迅速議訂報律。

三十四年春正月。廣東緝獲日本輪船二辰丸。私運軍火。日人抗議。旋以賠款服禮結案。二月。命達壽回京供職。改派學部右丞李家駒赴日本國考察憲政。夏四月。綏遠城將軍貽穀以放墾蒙城浮收漁利。濫殺台吉丹丕爾一家五命。違例。頒行違警律。五月。加恩咸豐同治以來功臣子孫有差。六月。頒行諮議局章程。及議員選舉章程。秋七月。查禁政聞社。廣東風災。湖南湖北廣東水災。八月。頒布憲法大綱。先是慶王奕劻等奏進憲法大綱。暨議院法選舉法要領。及議院未開以前逐年應行籌備事宜。令刊刻膳黃。分發在京各衙門。在外各督撫府尹司道懸掛堂上。責成依限舉辦。每屆六個月。將籌辦成績。彙列奏聞。憲法大綱如下。一。大清皇帝統治大清帝國。萬世一系。永永尊戴。一。君上神聖尊嚴。不可侵犯。一。欽定頒行法律。及發交議院之權。（凡法律雖經議院議決。而未奉詔命批准頒布者。不能見諸施行）一。召集開閉停展及解

散議院之權（解散之時即令國民重行選舉新議員其被解散之舊議員即與齊民無異倘有抗違量其情節以相當之法律處治）一、設官制祿及黜陟百司之權（用人之權操之君上而大臣輔弼之議院不得干預）一、統率陸海軍及編定軍制之權（君上調遣全國軍隊制定常備兵額得以全權執行凡一切軍事皆非議院所得干預）一、宣戰講和訂立條約及派遣使臣與認受使臣之權（國交之事由君上親裁不付議院議決）一、宣告戒嚴之權（當緊急時得以詔令限制臣民之自由）一、爵賞及恩赦之權（恩出自君上非臣下所得擅專）一、總攬司法權（委任司法衙門遵欽定法律行之不以詔令隨時更改）（司法之權操諸君上審判官均由君上委任代行司法不以詔令隨時更改者案件關繫至重故必以已經欽定法律為準免涉紛歧）一、發命令及使發命令之權（惟已定之法律非交議院協贊奏經欽定時不以命令更改廢止）（法律為君上實行司法權之用命令為君上實行行政權之用兩權分立故不以命令改廢法律）一、在議院開會時遇有緊急之事得發代法律之詔令並得以詔令籌措必需之財用惟至次年會期須交議院協議一皇帝經費應由君上制定常額自國庫提支議院不得置議一皇室大典應由君上督率皇族及特派大臣議定議院不得干預臣民權利義務如下：一、臣民於法律範圍以內所有言論著作出版及集會結社等事均准其自由一、臣民非按照法律所定不加以逮捕監禁處罰一、臣民可以請法官審判其呈訴之案件一、臣民應專受法律所定審判衙門之審判一、臣民之財產及居住無故不加侵擾一、臣民按照法律所定有納稅當兵之義務一、臣民規定之賦稅非經新定法律更改悉仍照舊輸納一、臣民有遵守國家法律之義務

編者曰是役遣人出洋考察政治所謂為立憲之預備也然特簡親貴隨員又皆宦海中人以是為國民代表國人早知朝廷用意之所在矣故皆稱為欽賜之憲法外人則且從而嘲笑之謂中國將立上議院議員以內之尚侍九卿外之督撫為之可稱為非驢非馬之立憲云

清史紀事本末卷七十四

論禁鴉片之嚴厲

德宗光緒二年秋八月定嚴禁栽種鴉粟例鴉片煙之禁始自雍正時其初但充藥品英商以之販運內地稱洋藥故民間吸食者極少至道光初其風始熾尋由印度傳之雲南而南土興展轉傳至四川而有川土又傳至甘肅而有西土由是而至貴州由是而至陝西山西一二十年來廢田而種鴉粟歲益浸廣而西洋販運中國亦歲益增多蓋開種日繁即吸食者日衆勢將盡中國之人皆至失其生理橋項黃賦奄奄僅存無異殘廢西洋人士知鴉片為害之烈與中國受害之深也相與設為公會廣勸禁止栽種販賣於是中國人亦恥之言路紛紛具疏請嚴禁吸食並禁種為舉因有是舉然亦徒有章程並無實事不免為外人所竊笑而已

三年春二月駐英使臣郭嵩燾奏請設法嚴禁鴉片煙不報嵩燾奉命使英初至倫敦英國世爵夏弗斯伯里議政院馬光斯求爾德教士里格德爾刺爾丹拿畢等五十餘人來謁力勸中國設法禁煙又其議員阿什伯里游歷各國所至風土人情皆照相以記之而於中國男女僅卧吸食鴉片之事共傳觀以取笑嵩燾恥之是年正月嵩燾復接據粵紳唐德峻稟呈咨請總理衙門轉奏其後屢見英國士紳力除鴉片煙之害於至誠又接粵紳桂文燦溫清漢等二稟至是具疏入告請設法嚴禁人民吸食略謂鴉片產出印度而南洋附近之暹羅東洋之日本皆有原禁無吸食者獨中國販運銷行每年課稅至數千萬為英國人入款一大宗而其地士紳會議猶勸馬謂煙土貽毒中國引以為然倡言禁止中國人民肆行吸食略無悔悟其勢非嚴定督撫處分以

督率州縣不能望有轉機請朝廷堅以持之寬以期之限示三年責成督撫分飭各州縣多製戒烟方藥施散勸諭以滿三年為期逾期不能戒者官吏參革生監舉人獲片長官不舉發者同罪而凡文武應試士子例具五童互結宜以鴉片煙為首禁容隱者一併除名童生吸食鴉片煙皆先停考濫入場者廢保坐黜廩生吸煙皆先停止保人濫保者數官坐黜而於各省裁種鴉粟地方則由有司官勸諭紳民整頓所屬地方漸摩勸化更需以二十年之期盡人民而變革之矣疏入不省三月郭嵩燾奏鴉片為害中國擬請設法禁止下各將軍府尹各直省督撫議奏嵩燾再疏稱臣光緒三年二月初八日具奏設法嚴禁鴉片一摺至今未奉批諭竊惟國家興利除弊關繫重大未易輕議整頓鴉片煙為害中國五六十年通計各省士民陷溺其中者率十之四五其害日廣其毒亦日深道光十九年特詔嚴禁遂至激成海疆之禍而吸煙者愈多至咸豐九年例禁已開更無顧忌臣於此時復為禁止鴉片煙之議人皆知其難行而臣揆之事理驗之人心顧獨以為至易蓋使國家設立科條責成地方官禁之徒以擾累百姓其終必至愈禁而愈開使人民自為禁制以獎勵其廉恥而激發其天良則動於詔旨一二言而人心自振積弊亦將自除並陳辦法數條一權衡人情以定限制之期二嚴禁栽種以除蔓延之害三嚴防訛詐以除胥吏之機四選派紳民以重稽查之責五明定章程以示勸懲之義六禁革煙館以絕傳染之害奏上諭交各該將軍府尹各直省督撫斟酌妥議具奏原奏著發錢

四年春二月工部右侍郎閻敬銘山西巡撫曾國荃奏申明裁種鴉粟舊條允之自郭嵩燾再疏條陳禁煙之法奉旨交各省議覆後久之仍寂然無聞是年敬銘因督辦秦晉工賑在山西見鴉

省地半硤。產糧本不見多。又不按畝力耕。私栽鴉粟。民間既少存糧。一遇荒歉。盡成飢事。特商  
同國荃出示曉諭。勸民間嗣後務當變計。盡力農作。期於國產充盈。山荒有備。所有栽種鴉粟者。  
責令族長甲長押令拔除。改種五穀。違者究治。官吏私徵鴉粟。畝稅立予參撤。至是具疏奏明。諭  
如所議行。並着各省仿照章程。一體嚴禁。秋七月。陝甘總督左宗棠奏。請將禁種鴉粟不力及  
實在出力各員分別懲勸。從之。宗棠在甘肅。督飭司遊設法勸禁栽種鴉粟。頗著成效。至是奏請  
懲勸查禁不力及出力各員。奉旨依准。所有查禁不力之儘先道。軍夏府知府李宗賓。候補直隸  
州知州代理軍夏縣知縣胡韻蘭。靈州知州孫承弼。兩當知縣任懋修。碾伯縣知縣邵杜寧。朔縣知  
縣賀昇蓮等。革職開缺。撤任有差。其查禁尤為出力之寧靈縣同知喻光容。實知府銜署中衛縣  
知縣劉然亮。署軍夏府知府張家槐。署平羅縣知縣呂恕。代理軍夏縣知縣李日乾。代理靈州知  
州德蔭。署甘肅軍夏鎮總兵馮南斌等。均交部優叙。九月。曾國荃奏。會省禁種鴉粟。請仿照兩  
江將裁種鴉粟地畝。充公章程辦理。允之。國荃前與閩故銘奏。明重申裁種鴉粟。舊禁係通編修  
李用清查畝至晉。就便察看。晉省各廳州縣所種鴉粟之處。較一年前減去十之六七。因疏告國  
荃。乘此大校糧責之時。勸民改業。可期事半功倍。國荃副查兩江禁止鴉粟。有將地畝充公章程。  
最為民間所畏懼。至是奏請仿照辦理。並請將地方官稽查不嚴及能力禁而不擾民間者。分  
別撤參。與獎勵。如所議行。

八年夏六月。山西巡撫張之洞奏。民間栽種鴉粟。有妨嘉穀。擬嚴法申禁。允之。之洞疏稱。晉民好  
種鴉粟。最甚者二十餘廳州縣。其餘多少不等。幾於無縣無之。曠土傷農。以致畝無棲糧。家無儲

粟。丁戌奇荒。其禍實中於此。然而覆轍相沿。不知迷復。議者或持不宜禁之說。大率一由見小。一由畏難。然臣謂以地以時。有不可不禁者。四晉地磽瘠。產糧無多。早年本恃外有接濟。自為營粟所奪。蓋藏益空。即如前此大穰。垣曲產煙最多。饑荒亦最劇。近日種煙之地。以交城為最盛。而糧價亦以交城為最昂。賊民害稼。確有明證。此時若再不遏其流。設有偏災。豈堪設想。此必禁者一也。晉省山農多。水利少。種植營粟之功。倍於蔬卉。偶有山溪水澗。可資灌溉。悉以歸之營粟。此物最耗地力。數年之後。更種他穀。亦且不著。僅有此區區難得之水利。而養此毒民之物。此必禁者二也。晉省以煙之癖。官吏士民。升兵胥役。以及婦人女子。雖皆沾染。大率鄉僻居其十之六。城市居其十之八。人人冠贏。家家晏起。怠惰頹廢。毫無朝氣。在官者不修其職。食力者不勤其業。循此不已。貧者益貧。弱者益弱。數十年後。晉其危乎。惟種之多者。故吸之便。此必禁者三也。洋藥稅為海關大宗。今日方議重徵。藉禁外販。以為坊民正俗之謀。若內地不禁。聽其蓄滋。何以關遠人之口。此必禁者四也。查晉省營粟之所以不能禁者。一由於上官之禁弛不一。朝令夕更。一由於官吏之視為利源。圖收稅法。此二弊。必有成效可觀。臣愚以為禁之有方。行之有漸。先膏腴而後磽瘠。先腹地而後邊屬。貴之於鄉保。毋徒付之於吏胥。過之於權權之先。毋徒毀之於播弄之徒。力禁苛擾。嚴定政成。感民以誠。未有不動。雖不能遽絕根株。而少一畦之營粟。即多一口之餘糧矣。至於官紳將卒。臣已多方勸戒。現仿李鴻章天津所設之戒煙局。延醫購藥。以冀廣起沉痾。屬官有嗜好廢事者。分別撤任停委。勒限戒斷。許令自新。身勇勒限戒斷。不悛者汰黜。學校諸生。由學臣隨時查戒。冀以漸摩觀感。徐收移風易化之功。疏入報聞。仍著隨時查察。有犯必懲。



三十一年春正月。戶部奏。洋藥土藥害人耗財。擬嚴定分年禁法。並一辦法從之。中國鴉片之禍。彌漫已臻極點。始馬禁膏。禁吸。禁種。終於無效。近年以財政紊亂。例行逆施。藉口變通之法。略加徵稅。使購買不易。吸食者自寡。於是各直省中土捐膏捐。所在皆是。顧入格於洋關。則例不能重徵。阻礙土藥之銷路。故有稅亦與無稅等。時西人譏中國之風俗。謂不去其五經毒。鴉片毒。終無望治之一日。一時臣工皆恥之。紛紛條奏禁烟辦法。如駐義使臣許珏奏。陳義國權。煙大害。擬請先就土藥整頓試辦。直督袁世凱奏。覆征收膏稅事。體繁重。請飭戶部籌議辦理。先後下部。然諸條陳辦法。皆主張以徵為禁。謂難多取而非虐。其實則征而已。禁未能也。況局十倉密。繞越愈多。岐路未易稽查。私土因而充斥。不惟禁不能禁。而且征無從征。部臣有見於此。與其求征稅之方。稅仍不旺。不若行禁煙之策。害可永除。因仿日本治臺灣禁煙法。由官熬膏。撥准吸。准買之權。擬定分年禁法。等一辦法入奏。請照所議行。

三十二年秋八月。諭禁鴉片。定限十年以內。將洋土藥之害。一律革除淨盡。著政務處妥議。嚴禁吸食。並禁種。鴉片。章程。旋會議政務處大臣。籌擬禁煙辦法十條具覆。一。限種。鴉片。以淨根株。二。分給牌照。以杜新吸。三。勒限減癮。以蘇痼疾。四。禁止煙館。以清淵藪。五。清查煙店。以資稽查。六。官製方藥。以便醫治。七。准設戒煙會。以宏善舉。八。責成地方督率紳董。以期實行。九。嚴禁官員吸食。以端表率。十。商禁洋藥進口。以遏來源。疏入。奉旨頒行。

三十三年秋九月。以睿親王。魁斌。莊親王。載功。都御史。陸寶忠。副都御史。陳名侃等。吸食鴉片。情形顯著。將所任差缺。照章先行派員署理。如能迅速戒斷。仍准照舊供職。

三十四年春二月外務部奏覆陳壽謙禁煙與各國商定辦法六條請飭民政部度支部速行會訂稽核章程嚴定攷成通頒直省責成各督撫實力奉行從之上年十月間外部與英使妥商禁煙辦法六條一洋藥分年遞減以五年內進口款數折中定額自一千九百七年以後年減一成十年淨盡一印度之噶里古達為洋藥總匯之地由中國派員前往監視拍賣打色得知發運洋藥實數一土藥稅每擔現已加抽至一百十五兩洋藥力量倍於土藥而原有之釐稅併徵祇一百十兩應照原定之稅數加倍徵收以微為禁一香港為洋藥禁膏之地應由港督協助嚴禁煙膏不得運入中國境內一租界內煙店煙館及各吸煙之所並各行店售賣煙具其清查籌禁之法照中國地方官辦法一律辦理一嗎啡及嗎啡針之害設法禁止已載在中英中美新約惟須有約各國應允照行方可舉辦後經雙方議定第一節印度洋藥以出口五萬一千箱之數為定額按年遞減五千一百箱自一千九百零八年（光緒三十三年十二月）為實行之始第二節申明中國派往印度之員祇查發運洋藥實數並不干預他權第三節加增洋藥稅釐俟土藥統捐及土藥價值調查明確後再行續商第四節聲明香港煙膏禁止出口入華並禁止煙膏由華入港之貿易第五節如華官在各項租界外實行禁止煙館及吸煙處所各口岸租界內工部局不俟華官之請自行設法辦理第六節禁止運入嗎啡及嗎啡針一俟有約各國全允即應照行後由外部照會法蘭荷三國公使嚴禁越南澳門南洋各島轉運洋藥入口惟波斯為無約之國部中咨行稅務處轉飭總稅司籌擬辦法其禁止嗎啡嗎啡針運華亦由部中照會各國應允至是奏聞疏入依議三月派恭親王溥偉協辦大學士鹿傳霖協辦資政院事務葉星下振鐸充辦理禁

煙大臣。秋七月。以內閣學士文海載昌風憲煙膠膠混註冊。均著革職。

末帝宣統元年。春二月。申諭禁煙辦法。冬十二月。頒行禁煙條例。

二年。秋八月。以吉林等省清除煙末淨。該督撫均交部議處。先是。因各省疆吏奏請變通禁煙年限。政府恐各省奏報不實。乃飭令度支部派員赴各省密查。至是覆報。吉林黑龍江河南山西福建雲南新疆等省。均經奏報一律肅清。其實並未淨盡。各督撫均交部議處。其山西吉林雲南等省。從前保案。均撤銷。冬十二月。申嚴煙禁。

三年。夏四月。因外務部與英使續定禁煙條件。飭各省督撫。迅將禁種禁吸禁運各事。認真整頓。

清史紀事本末卷七十五

宣統副立

德宗光緒三十四年冬十月。授醇親王載灃為攝政王。帝自上年入秋以來患疾。不御殿者兩載。餘上月達賴喇嘛勒明結來朝。二十日。帝猶勉御仁善殿接見。是月初六日。復御紫光閣賜燕。至初十日。太后萬壽節。勒明結率徒祝嘏。帝已疾甚。不能親詣行禮。但傳旨加封勒明結為誠順贊。化西天大善自在佛。至二十日。太后亦不豫。乃命載灃暫設朝政。命載灃之子溥儀在宮內教養。並在上書房讀書。時太后知帝疾將不起。而未有儲貳。乃於是月二十日。取溥儀入宮。命皇后鞠之。生三年矣。其母為醇邸福晉。故大學士榮祿女也。太后尋命慶王奕劻往奏帝。帝曰。立嗣以長。不亦順乎。繼聞以醇王攝政。帝喜曰。付託得人矣。帝崩時。是月二十一日酉刻也。遺詔略曰。朕躬氣血素弱。自去年秋間不豫。醫治至今。日以增劇。以致彌留不起。顧念神器至重。亟宜傳付得人。茲欽奉皇太后懿旨。以攝政王載灃之子溥儀入承大統。為嗣皇帝。必能仰體慈懷。欽承付託。中外臣工。務當恪遵前次諭旨。各按逐年籌備事宜。切實辦理。庶幾九年以後。頒布立憲。克終朕未竟之志。太后命以嗣皇帝承繼穆宗為嗣。兼承大行皇帝之祧。以攝政王為監國。尊太后為太皇太后。兼祧母后為皇太后。太皇太后葉赫那拉氏崩。時是月二十二日未刻也。安徽馬碾兵變。駐安慶馬碾隊官熊成基欲乘秋操起事。是月二十六日黎明。率眾襲城。城中嚴守。不得入。又為江中兵艦所攻。遂向西北相城。柘陽等處退走。眾漸潰散。成基復於哈爾濱被捕。死於吉林。十一月。嗣皇帝即位。以明年為宣統元年。上大行皇帝尊諡曰。同天崇運大中至正。

經文緯武仁孝睿智端儉寬勳景皇帝廟號德宗陵曰崇陵 上大行太皇太后尊諡曰孝欽顯  
皇后 頒行監國攝政王禮節 設立變通旗制處 上太后徽號曰隆裕皇太后 命奕劻以  
親王世襲罔替並加恩王公大臣有差 定諭旨由軍機大臣署名之制 十二月另編禁衛軍  
由監國攝政王秉統 大學士王文韶等予諡文勤 收還京漢鐵路 命軍機大臣袁世凱開  
缺回籍養病 命那桐在軍機大臣上學習行走 以外務部右侍郎梁敦彥署理外務部尚書  
末帝宣統元年春正月郵傳部尚書陳璧以用款靡費調員冒濫革職 以東三省總督徐世昌  
為郵傳部尚書 三月各國派送德宗景皇帝梓宮專使覲見 德宗景皇帝梓宮奉移山陵  
追子故戶部尚書立山兵部尚書徐用儀吏部侍郎許景澄內閣學士聯元太常寺卿袁昶謚  
夏四月命貝子銜鎮國將軍載振往日本國 法部尚書戴鴻慈往俄國 答謝派遺專使來送梓宮  
命各省財政統歸藩司或度支司綜核其餘一切局所予限一年次第裁撤 五月開復前協  
辦大學士翁同龢原官 監國攝政王暫行代理海陸軍大元帥並先行專設軍諮處 六月以  
督辦津浦鐵路大臣呂海寰失察路局局員李德順營私開去差使以郵傳部尚書徐世昌代之  
秋七月派兩江總督張人駿為南洋勸業會會長 與日本訂立東三省交涉五案條款成日  
本因安奉鐵路改築事自由行動交涉幾致決裂至是並其他諸案及吉長借款契約訂立條款  
完案 八月大學士張之洞卒予諡文襄 福建福州大大風死者百餘人傷者二百餘人船  
舶沉沒者二千餘艘 命法部尚書戴鴻慈在軍機大臣上行走 九月以軍機大臣鹿傳霖為  
大學士吏部尚書陸潤庠協辦大學士 冬十月直隸總督端方以恣意任性不知大體革職端

方因遣德宗梓宮令人在太后行宮外攝影。為散秩大臣李國杰所勦。乃坐以焚化冥鏹時。乘輿橫街神路。遂革職。大學士孫家鼐卒。于謚文正。以陸潤庠為大學士。戴鴻慈協辦大學士。十二月。諭誠建言諸臣。不得懷挾私怨。及毛舉細故。不知大體。賞給游學專門。詹天佑嚴復等。進士舉人有差。監國而奉太后懿旨。明年正月初十日萬壽。皇帝在宮內行禮。停止慶賀。時太后居延熙宮中。大內御花園之東。有土阜一區。向以日者之言。不宜建築。帝登極後。於此興修水殿。以奉養太后。四圍浚池。引玉泉水環繞之。殿凡九層。層九間。又四角各有一亭。計三十九間。以銅為棟。以玻璃為牆。四壁空明。入其中者。如置身琉璃世界。牆之夾層中。置水蓄魚。下層地板亦以玻璃為之。俯首而窺。池中游魚。一一可數。符藻參差。青翠如畫。地板又可開闔。時或揚起駕小舟直達宮外。中層上層亦用玻璃。上層頂上更有玻璃缸數事。為蓄魚之需。樓梯皆置宮外。由東南亭內曲折環繞漸升。而不自知也。太后自題扁額曰靈沼軒。而俗呼曰水晶宮。聞此次工程費帑已達百萬。以上遜位之時尚未畢工也。

二年春正月。革阿旺羅布藏。吐布丹甲錯。濟察汪曲却勒朗結。達賴喇嘛名號。勒朗結自三十年六月避英兵至庫倫。朝命革去達賴喇嘛名號。及勒朗結折回西寧。三十四年。詔諭其來朝賜加封號。上年並派員護送回藏。至十二月。駐藏大臣趙爾豐急電告政府。謂勒朗結與俄國訂結協約。請政府牒告各國使臣。謂該約非經中國皇帝認可。則作為無效。時爾豐之兄爾興督川。即派大軍入藏。以為爾豐干涉藏政之後援。是年正月初三日。川兵至拉薩。勒朗結即於是夜出奔印度。至是命褫去其法號。令爾豐別選靈異幼童。擇立以為達賴。勒朗結懇政府之暴於英。英公使質

於外務部。部答以達賴謀叛。故黜之。吾國對於西藏政治。無所變更也。勒朗結復懇於俄英俄皆責有煩言。而印度佛教徒。方擬舉空前絕後之盛儀。以歡迎勒朗結云。戴鴻慈卒。以郵傳部尚書徐世昌協辦大學士。命內閣學士吳郁生。在軍機大臣上學習行走。定嗣後內外文武滿漢諸臣陳奏事件。一律稱臣。二月。山西交城文水兩縣人民。因禁烟暴動。旋討平之。廣東黨人汪兆銘等。謀刺監國攝政王事洩。被獲。命永遠監禁。先是。兆銘等約定為死刑。時監國鑒於黨禍日夕相尋。恐益重其怒。乃作釋怨之舉。博寬大之名。肅王善耆又從事贊成。遂飭法部以擾害治安定擬判決二人。皆處以無期徒刑。加重永遠禁錮。三月。湖南省城饑民暴動。焚毀巡撫衙門及教堂學堂。先是上年。長沙府屬秋收歉薄。是年奸商復運米出省。售於外人。鄉民阻境不獲米。憤因之而昂貴。是月初五日。饑民數百擁至撫署。要求平糶。巡撫岑春煊。嚴勒紳捐。先緝義賑。岑紳王先謙首先稟請。葉德輝積穀萬餘石。不允出糶。遂致變起。秀民痞棍聚至數千。縱火撫署及教堂學堂。先謙等乃歸咎撫臣。激變電請簡易巡撫。孔憲教楊肇儒倡議擁戴藩司莊廣良。由少數劣紳推為巡撫。朋陷撫臣。不遺餘力。事聞。朝命春煊開缺。派湖北藩司楊文鼎前往。暫行署理湖南巡撫。旋命湖廣總督瑞澂會同文鼎澈底查究。俟經查明地方文武辦理不善。及紳士挾私釀亂。奏請分別懲儆。疏入。文武各員。春煊廢良。巡警道賴承裕。鹽法道柳廷熙。長沙協都司貴齡。左營守備周長泰。消防所所長許學。龔培林。警務委員知縣周騰均著革職。餘降調革留察議。劣紳前國子監祭酒王先謙。分省補用道孔憲教均著降五級調用。吏部主事葉德輝。候選道楊肇均著革職。交地方官嚴加管束。茲奉天巡撫缺。夏四月。彗星見於西北。月餘乃滅。命郵傳部左侍

郎汪大燮出使日本國 五月江蘇沛縣男化為女縣城東南十八里春鴈莊潘氏子年六歲於夜分時驚哭數聲次晨自言下體有異母驗之已變為女 予進士館游學畢業員項驥等獎勵有差 六月山東萊陽海陽縣人民因抵抗苛稅暴動為官兵殺傷數百人先是民間以銅元兌換錢糧皆按七折扣算是年春海陽縣方奎開徵更按五折扣算復加以火耗輕封封尾鹽金德麥諸陋規正供一兩民間所納需大錢三千七百八十文民不堪命亂機遂萌萊陽則以開辦地方自治紳士王圻等肆意苛徵履畝重稅過於正供間架有稅人頭有稅牛馬亦有常捐民間稍有抵抗縣官朱槐之復袒助劣紳苛斂不遂淫刑以逞及至釀成禍變復歸罪於曲思文謂其煽眾謀亂調兵剿辦劫殺淫暴甚於盜賊顧猶以兵力之不足復請朝旨派第五鎮練軍馳赴助剿凶殘劣弁肆其鉏戮死傷者幾及千人 六月諭飭各督撫慎選牧令有鑒於萊陽海陽之禍也秋七月革開缺江西提學使浙路總理湯壽潛職不准干預路事壽潛為浙路事電軍機處詆郵傳部侍郎盛宣懷為蘇浙路罪魁禍首不應令其回任請收回成命或調離路事以謝天下廷旨斥其荒謬狂悖予嚴譴 大學士鹿傳霖卒予諡文端 設各省交涉使 命外務部右丞沈瑞麟出使奧國 八月命外務部右丞劉玉麟出使英國 命陸軍部尚書蔭昌兼充訓練近畿各鎮大臣 命近畿陸軍均歸陸軍部直接管轄裁撤近畿督練公所 改四川鹽茶道為鹽運使並設奉天鹽運使 以徐世昌為大學士吏部尚書李殿林協辦大學士 華江海關道蔡乃煌職因度支部奏參乃煌於辦理欵項罔利營私居心狡詐不顧大局令革職 九月四川定鄉兵變竄陷雲南中甸旋破官軍剿平 賞給游學畢業生吳乃琛等進士舉人有差 予進士館游



學畢業員錢崇威等獎勵有差 賞給陸軍游學畢業生黃承恩等舉人並授軍職有差 命散秩大臣一等肅毅侯李國杰出使比國 冬十一月賞給陸軍游學畢業生李宣個等舉人並授軍職有差 賞給陸軍游學畢業生全恕等舉人並授軍職有差 予進士館游學畢業員宋育德等獎勵有差 賞給北洋大學堂畢業生馮熙敏等進士並授職有差 十二月雲南大姚縣人民暴動縣城失守旋為官軍剿平 派東三省總督錫良直隸總督陳夔龍兩江總督張人駿湖廣總督瑞澂雲貴總督李經羲參訂外有官制 賞給游學陸軍畢業生李兆綸等林鳳游等工科畢業生陳祖良法政科畢業生鄭際平舉人並授職有差 派員子銜鎮國將軍載振為頭等專使往英國賀英君加冕時英人以載振為皇室疏族於政界又不占重要之位置且以載振納妓楊翠喜一事故尤輕視之及載振抵英其坐席在三十六位廁於埃及使之前印度使之後與亡國賤奴等視載振歸政府憤甚乃一歸咎於駐英使臣劉玉麟謂係公文中未將貴族叙出及其他措詞多有不合嚴旨申飭之

三年春正月因英兵佔據片馬命駐英使臣請英政府撤兵中英滇緬界務久未解決上年秋間英派兵駐片馬雲貴總督及雲南紳民屢請力爭外務部命駐英使臣劉玉麟速與英政府交涉東三省現 二月四川德格春科高日三土司改流設邊北道登科府等官並改巴塘打箭爐為巴安康定二府設康安道 裁撤駐藏幫辦大臣改設左右參贊 派全國軍隊訓練六條黃興等起事於廣州燬總督衙門被官軍擊退死者七十二人興走還香港先是有廣東香山人孫文始組織中會潛謀革命光緒二十一年十月謀起事於廣州事洩走海外會員陸皓東等死

之文至倫敦為駐英使臣龔照瑗所捕。因英政府干涉始得釋放。又有湖南長沙人黃興等與陳天華宋教仁等相率與會。二十六年十月謀舉事於長沙。事洩走日本。尋文至日本。乃與興等合稱同盟會。密購軍火。糾合會黨。思於閩廣雲南起事。三十三年十一月由越南進攻廣西鎮南關。奪石輔山礮臺三座。旋以軍火不繼而敗。三十四年三月興又有越南海防攻入雲南河口南溪等處。分兵攻蠻耗開化蒙自等處。旋亦敗退。至宣統二年正月廣東新軍因與巡警交關起釁。興等又來機起事。為防軍擊斃數百人。餘眾潰散。至是月二十九日午後四時許。興率同志百餘人往攻督署。時署中防範極嚴。不得入。官軍蜂擁至。勢不敵。遂敗。死七十二人。興越城出渡香港。夏四月江蘇諮議局與兩江總督張人駿爭預算案。全體議員辭職。諭以本年秋季調集禁衛軍及近畿各鎮陸軍。在永平府大操。吉林省城大火。歷一晝夜始熄。城內官錢局陸軍糧餉局高等審判廳檢察廳財政局官書局圖書館皆片瓦無存。監獄燒毀殆半。以度支司署為尤甚。民居被燬約萬餘戶。財產損失約二十餘萬。人口遭難約三分之一。六月太后因帝七月內在毓慶宮入學讀書。派銜德院院長陸潤庠等授讀。黑虹見天。越九宿復見。起自西北。蜿蜒至東南而沒。閏月頒行廣東禁賭條例。安徽江蘇江西浙江湖南奉天黑龍江大水。漢陽大火。是月十六日晚起。一時水陸並焚。至翌午五時始熄。計陸上被焚之屋八千餘所。水中被焚之船亦千餘艘。舵戶焚斃及溺死者百餘人。木星見。光射東南。命裁各省府治首縣。秋七月監國攝政王校閱禁衛軍。八月民軍起事於湖北之武昌。湖南江西陝西貴州山西雲南浙江江蘇廣西安徽廣東福建四川先後響應。九月乙丑朔日食。己卯望月食。冬十二月二十五日。

下詔宣布退位。

清史紀事本末卷七十六

親貴用事

德宗光緒三十四年。冬十二月。命郡王銜貝勒載濤。貝勒毓朗。陸軍部尚書鐵良。專司訓練禁衛軍大臣。時另編禁衛軍。由監國攝政王親統。而派載濤等司訓練。

宣統元年。春正月。派肅親王善耆。鎮國公載澤。陸軍部尚書鐵良。海軍統領薩鎮冰。籌備海軍。鐵良開去訓練禁衛軍差使。夏五月。諭以欽遵遺訓。皇帝自為海陸軍大元帥。未親政以前。暫由攝政王代理。並先行專設軍諮處。以毓朗管理。尋又添派載濤管理。命郡王銜貝勒載洵。薩鎮冰。冰充籌辦海軍大臣。六月。慶親王奕劻請開去管理陸軍部事務差使。允之。秋七月。遣載洵。薩鎮冰。巡視沿江沿海各省武備。旋又至歐洲各國考察海軍。冬十一月。以載澤為督辦鹽政大臣。

二年。春正月。御史江春霖以奏參慶親王奕劻。斥為莠言亂政。命回原衙門行走。奕劻以宋室懿親。肩樞機重任。老而務得。貪婪日甚。與其子貝子銜鎮國將軍載振。攬權納賄。其門如市。人以比之嚴分宜父子。春霖既嚴劾。載振馮汝駉。皖撫朱家寶。而江督張人駿。為之回護。春霖六上疏。爭之不獲。乃出於擒賊擒王之壯舉。專劾奕劻。斥以老奸竊位。多引匪人。如直隸總督陳夔龍。為奕劻之乾女婿。安徽巡撫朱家寶之子朱齡。為載振之乾兒。疏入。斥其荒誕不經。諭令明白回奏。春霖旋覆上。援引證據。言之確鑿。摺中引包拯奏議。彈章有至七上得請而復已者。謂臣區區之心。竊願效之。並云。方今國會未開。諭旨又禁言官。毛舉細故。臣慮言路諸臣。小者謂不必言。大者又不

敢言。使馬寒蟬。習為容默。而二十二省之憲政。倚辦樞臣之手。敢行文書。無人舉從。頒布憲政。期以八年。恐未至八年。而天下事已敗壞於督撫之手。而不可收拾也。又云。樞臣賢否。實為治亂攸關。又云。敢懇聖明。攬天下才。極一時選。古人夢卜求賢。版築屠釣。皆立作相。欲建非常之業。必用非常之人。至是。諭謂春霖原摺。不應牽涉瑣事。羅織多人。率以數十年前捕風捉影之事。及攻訐陰利之言。恣意牽扯。謬妄已極。國家設立言官。原冀其指陳得失。有裨政治。若如該御史兩次所奏。實屬妄言亂政。有妨大局。親貴重臣。固不應任意詆誣。即內外大臣。名譽所關。亦不當輕於誣織。似此信口雌黃。意在沽名。實不稱言官之職。江春霖著回原衙門行走。旋經給事中陳田御史趙炳麟胡恩敬等先後籲請收回成命。不允。於是全臺激憤。公上言。路無所遵。循請明降諭旨。一疏由給事中忠廉領銜奏上。亦不省。四川提學使趙汝霖（即光緒三十三年奏參樞臣黃緣親貴者）聞之。再抗疏嚴劾。奏勅留中不報。汝霖遂乞骸骨。許之。春霖炳麟啟霖皆當日臺諫中之鉅紳耆。時有三霖之印（麟霖同音）春霖出國門。印撰一楹聯於松筠巷曰。三疏留傳。如鎖鑰當年稱義士。一官歸去。錦衣此日愧先生。巷中所祀為明楊椒山。故云。夏四月。以督辦鹽政大臣與各督撫互爭權限。均傳旨申飭。先是。朝命載澤督辦鹽政。因督銷緝私。關涉地方。令各督撫會同辦理。旋錫良等覆奏。鹽政章程。諸多窒礙。當飭載澤會商各督撫詳議具奏。及載澤復陳。謂督撫等擬將用人行政。悉歸會辦之督撫。是與從前督撫兼管鹽政無異。朝廷何貴有此特舉。云乃諭責各督撫於前兩次諭旨。毫未仰體。至該督辦大臣受國重寄。應如何力任其難。認真籌辦。乃此次僅據該督等覆奏前奏。意存諉卸。殊負委任。均着傳旨申飭。所有鹽務用人行政一切事宜。

著照奏定章程辦理。鹽務關係重要。務各和衷共濟。相與有成。若各懷成見。因循積習。斷新權。貽誤要公。即惟該大臣及各督撫等是問。夏六月。命籌辦海軍事務大臣戴鴻慈奏預政務大臣。戴鴻慈察歐洲各國海軍。於上年冬還京。是月又往日本考察。諭飭各省督撫嚴治貪官污吏。並飭責成及內外大臣。敦品勵行。整躬率屬。秋七月。命大學士世續開去軍機大臣。內閣學士吳郁生毋庸在軍機大臣上學習行走。以貝勒毓朗編辦大學士。徐世昌為軍機大臣。諭貝勒毓朗差務較繁。著開去步軍統領差使。諭貝勒毓朗差務較繁。著開去專司訓練禁衛軍大臣差。八月。改四川鹽茶道為鹽運使。並設奉天鹽運使。尋以道員尹良為四川鹽運使。熊希齡為奉天鹽運使。從載澤奏請也。冬十月。派貝子溥倫鎮關公載澤充纂擬憲法大臣。十一月。改籌辦海軍處為海軍部。以戴鴻慈為海軍大臣。派海軍提督薩鎮冰統制巡洋長江艦隊。從戴鴻慈請也。諭貝子銜貝勒載洵載瀾差務較繁。著在內廷行走。毋庸兼當御前行走差使。慶親王奕劻奏請開去軍機大臣要差。不許。是日資政院奏大臣責任不明。難資輔弼。不報。奕劻因疏得才力竭蹶。無補時艱。懇恩開去軍機大臣要差。諭以該大臣受恩深重。不應請辭。並飭資政院總裁等不得擅攝。慶親王奕劻奏懇開去軍機大臣等差。溫謝慰留。先是奕劻欲辭出軍機。不獲。而言者仍紛紛攻擊不已。乃再疏奏請開去軍機大臣及總理外務部事務要差。疏入。奉旨。現在時會艱危。全賴親賢輔弼。慶親王奕劻老成謀國。為先朝倚任。歷數十年。勤勤懇懇。中外周知。庚子之役。維持大局。轉危為安。厥功尤偉。戊申十月。連遭傳索。景皇帝幸熱河。皇后大事。四海震動。決疑定計。卒致寰宇乂安。是該親王兩朝開濟。備歷艱辛。蓋盡宏謀。洵屬有功宗社。現雖年逾七旬。

仍復精神矍鑠。聲重要政。夙夜兢兢。職任一無曠誤。當此提前辦理憲政籌設內閣。庶務繁赜。力求進行之時。該親王分屬懿親。允宜任勞任怨。始終將事。豈忍遽行引退。稍卸仔肩。所請開去要差之處。著毋庸議。該親王務當仰體顧命。勉濟時艱。毋再固辭。用慰朕殷殷眷念之至意。十二年。月。派貝子銜鎮國將軍載振為賀英君加冕專使。

三年春二月。以貝子溥倫為農工商部尚書。溥頤為熱河都統。三月。度支部尚書載澤奏借英美德法四國銀行款一千萬磅合同簽押。夏四月。設立軍諮府。以載洵總辦。朗為軍諮大臣。閏六月。因永平秋操。派載洵代統總藍兩軍。命溥倫載澤會同宗人府纂擬皇宣大典。調善耆為理藩大臣。秋八月。奏助奏開去差缺。溫肅慰留。改鹽政處為鹽政院。以載澤兼任鹽政院大臣。奏助載澤罷。以湖廣總督袁世凱為內閣總理大臣。載洵罷。以蔭昌為軍諮大臣。以奕助為弼德院院長。毓朗罷。以徐世昌為軍諮大臣。旋又命充訓練禁衛軍大臣。

假飾立憲及組織貴族內閣

末帝宣統元年春二月降諭宣示朝廷一足實行預備立憲先是光緒三十二年宣示立憲以九年為之預備數年以來政府不職百事墮廢籌備之事有名無實至是以帝初立政元欲一新國人之耳目故為無聊之頒布以自文飾夏五月命陝甘總督升允開缺以蔡祖立憲故也秋八月以九月初一日各省諮議局開議降諭諮議員及各督撫冬十一月革甘肅布政使毛慶蕃職因玩誤憲政也十二月直隸各省諮議局議員孫洪伊等請速開國會不允時國人見時局日亟愈謂非亟設監督機關無以促政府之改良由洪伊等聯合二十餘萬人以上書政府願請縮短立憲期限早開國會旋奉諭旨俟將來九年預備業已完全國民教育普及庶時必毅然降旨定期召集議院頒行府廳州縣地方自治章程頒行法院編制法

二年夏四月頒行現行刑律頒行幣制則例中國國幣單位定名曰圓暫就銀為本位以一圓為主幣重庫平七錢二分另以五兩二兩五分一角三種銀幣及五分銀幣二分一分五厘一厘四種銅幣為輔幣圓角分釐各以十進永為定價五月諮議局議員孫洪伊等並各省旗將各代表請速開國會不允上年國會請願見拒政府後而民志愈固至是以三十萬之大眾為第二次之請願各代表上書中有曰先帝下九年開國會之詔全由當時時勢與今不同先帝猶是堯舜舜趨之時我皇上已處禹湯桀之世是月二十一日奉旨仍俟九年籌備完全再行降旨定期召集議院冬十月各省諮議局及各省人民代表等請速開國會組織貴族內閣命編改於



宣統五年實行開設議院並命即行組織內閣時國人知國會與責任內閣無以救亡再聯合各省為第三次請願之舉各省督撫亦於是年九月二十三日合詞電奏資政院於同月二十六日決議上請至是月初三日始有詔允於宣統五年召集議院並先將官制釐訂須即組織內閣編訂憲法時論謂政府舍國會而先取內閣不知國會未開以前所謂責任內閣者果何所附麗且督撫電奏人民請願皆云責任內閣而詔中刪去責任二字不知無責任之內閣吾國之有之也既已久矣何俟宣統三年而始成立何俟再以詔書為之規定論所有各省代表人等著民政部及各省督撫剴切曉諭令其即日散歸各安職業派員子溥倫鎮國公載澤九奏擬憲法大臣十一月資政院奏大臣責任不明難資輔弼不若先是資政院屢有書質問軍機責任軍機公然以不負責任覆之資政院遂具疏彈劾軍機大臣責任不明請別組織責任內閣奏奉旨朕雖設官制祿及然陟百司之權為朝廷大權載在先朝欽定憲法大綱是軍機大臣負責任與不負責任暨設立責任內閣事宜朝廷自有權衡非該院總裁等所得擅擬所請著毋庸議是謝仍由軍機署名蓋假詔旨以為敷衍也命民政部步軍統領衙門將東三省要求速開國會代表送回原籍不准逗遛並命各督撫開導彈壓如有違抗查拿嚴辦命憲政編查館迅速纂擬內閣官制十二月頒布新刑律暨暫行章程頒布宣統三年預算案發還天津人溫世霖於新彊以其在津組織四次國會請願也

三年春正月申諭各省停止刑罰三月頒全國軍隊訓諭六條夏四月頒布內閣官制設立內閣以軍機大臣慶親王奕劻為總理大臣大學士那桐徐世昌為協理大臣外務部尚書梁敦

度為外務大臣。民政部尚書肅親王善耆為民政大臣。度支部尚書鎮國公載澤為度支部大臣。學部尚書唐景崇為學務大臣。陸軍部尚書蔭昌為陸軍大臣。郡王銜貝勒載洵為海軍大臣。法部尚書紹昌為司法大臣。農工商部尚書貝子溥倫為農工商大臣。郵傳部尚書盛宣懷為郵傳大臣。理藩院尚書壽耆為理藩大臣。均為國務大臣。裁撤內閣軍機處會議政務處。舊設內閣大學士協辦大學士。仍序次於翰林院。時內閣雖成立而為英助所組織。閣員又以皇族居多。數於是國人皆曉然其意旨之所在。而稱之曰貴族內閣。設立弼德院。頒布內閣官制暨內閣法制院官制。裁撤憲政編查館吏部等衙門。六月都察院代奏直省諮議局議員請另行組織內閣。不許。時國人以皇族組織內閣不合君主立憲公例。由諮議局議員呈請都察院代奏。奉旨以點涉百司。係君上大權。該員不得干預。改禮部為典禮院。命溥倫裁澤纂擬皇室大典。命裁各省府治首縣。設立地方裁判廳。秋九月諭撤銷內閣暫行章程。不再以親貴充國務大臣。時湖北武昌民軍起。湖南長沙江西九江陝西西安貴州貴陽山西太原同時響應。國內人心瓦解。資政院疏稱內閣應負責任。國務大臣不宜委任懿親。是月初九日奉旨懿親執政與立憲各團通例不符。我朝定制不令親貴干預朝政。貴深合立憲國家精義。同治以來國難未結。始設議政王以資失輔。相沿至今。本年設立內閣。仍令王公等充國務大臣。原屬一時權宜之計。朝廷本無所容心。茲據該院奏稱皇族內閣與立憲政體不能相容。請取銷內閣暫行章程。實行內閣完全制度。不以親貴充當國務大臣等語。所陳係為尊皇室而固國基起見。朕心貴深嘉納。一俟事機稍定。簡賢得人。即令組織完全內閣。不再以親貴充國務大臣。並將內閣辦事暫

以符憲政而立國本。資政院奏請頒布明詔將憲法交院協統允之。慶親王奕劻等奏奉職  
無狀請立予罷斥允之。奕劻開去內閣總理大臣。那桐徐世昌開去協理大臣。鎮國公載澤等  
奏國務重要請另簡賢能以符憲政而資治理允之。載澤等均各開去國務大臣。授袁世凱為  
內閣總理大臣。

清史紀事本末卷七十八

開設資政院

奉帝宣統元年秋七月。頒行資政院章程。自光緒三十二年夏秋之交。考察政治五大臣回國。釐定官制。編成資政院官制草案五十二條。翌年八月十三日。有資政院為博采羣言。應行增設之諭。是為資政院初始時代。又逾年。訂院章十五條。是年。續訂院章六十五條。附則二條。至是。漸令頒行。即院中職權及議事規則所根據也。其內容條件所規定。與各國議院共通之原則大相刺謬。即於原奏所謂欽遵諭旨所決公論之精神。亦多相反。而文義字句間之不可索解者尤甚。二年夏四月。諭定於八月二十日召集資政院。並預頒欽選議員名單。皇室王公世爵。以冠袂載功。納勒赫。載瀛。載潯。溥霖。全榮。壽全。載鐸。載振。載盛。載熙。盛昌。盛慶。恕為議員。滿漢世爵。以希璋。黃懋。澄。志。鈞。榮。全。榮。增。廷。秀。曾。廣。鑾。存。典。李。長。祿。敬。昌。劉。能。紀。胡。祖。蔭。為議員。外藩王公世爵。以博迪。餘。貢。桑。諾。爾。布。色。凌。敦。魯。布。色。隆。托。濟。勒。勒。旺。諾。爾。布。特。古。斯。阿。勒。坦。呼。雅。克。圖。棚。楚。克。車。林。多。爾。濟。帕。拉。穆。達。木。索。錄。倫。那。彥。圖。索。那。特。木。扎。木。朵。巴。勒。珠。爾。拉。布。坦。司。迪。克。那。木。濟。勒。錯。布。丹。為議員。宗室覺羅。以定秀。世珣。榮。普。成。善。景。安。宜。純。為議員。各部院衙門官。以奎源。陳。懋。鼎。趙。椿。年。錫。齡。榮。凱。毓。善。劉。道。仁。文。哲。琛。張。輯。光。李。經。畬。林。炳。章。慶。蕃。顧。棟。臣。何。藻。翔。陳。善。同。劉。澤。熙。魏。聯。奎。趙。炳。麟。倣。忠。胡。駿。王。璟。芬。文。溥。其。敬。修。柯。邵。文。榮。厚。胡。祁。泰。汪。榮。寶。劉。華。其。福。曹。元。忠。吳。偉。炳。郭。家。驥。為議員。碩學通儒。以吳士鑑。勞。乃。宣。章。宗。元。陳。寶。琛。沈。家。本。嚴。復。江。瀚。喻。長。霖。沈。林。一。陶。徐。康。為議員。續行欽選資政院議員。以孫。以。希。李。士。鈺。周。廷。弼。林。紹。箕。席。綬。王。佐。良。宋。振。聲。

李湛陽鳳乃聲王鴻圖為議員。秋八月命修律大臣沈家本充資政院副總裁先是三十三年八月派員子溥倫大學士孫家鼐為資政院總裁十二月命侍郎景星俞廉三丁振鐸曹鴻勳陸元鼎協理開辦資政院事務。旋又命寶熙沈雲沛為幫辦。至是鴻勳病故命家本充資政院副總裁。召集資政院議員謝畧訓資政院為上下議院之基礎尤為立憲政體之精神。經畫數年規模已具。中外觀聽咸在於茲。今當開院會集之初朕特命軍機大臣暨參預政務大臣將各項案件妥慎籌擬。照章交議。爾議員等其各泯除成見。奮發公心。上為朝廷竭協贊之忠。下為民庶盡代議之責。弼宏功於未竟。垂令範於將來。九月資政院開院監國攝政王臨院宣布訓詞。資政院之建設發生於五年前。設置預備於三年以來。乃得於是月初一日開院。攝政王於是日蒞院讀開會訓詞。讀畢即退。而院中內容笑柄不一。是日自開會以至展會三小時半之時間。費於議事日表以外之問題者十分之七。費於提案開票者十分之二。其實在用於議事日表以內之問題者幾不到十分之一。二議員沈林一為政府特派員辯護引院章十九條。又引細則第四章謂會議與討論無甚分別。議員當發駁之語極滑稽。三議事日表第一第二項歸併於第六項之特任股員係勞乃宣登臺發議多數議員不俟議長宣告表決即起立贊成。及議長宣告表決時而各議員堅謂已經表決議長不能爭。但以並未贊成一語了之。聞者觀然。四選舉特任股員時有三乘寫蒙古字秘書官不識傳問諸譯員亦不識某議員請詢諸蒙古王公那桐獨言諸譯之事議員不能兼任且言本院設有諸譯尚有理藩部特派員不應問及議員。後由秘書官徧詢各蒙古議員皆不答。卒由議員文信理告之。五當秘書官將選舉票問諸譯諸譯不能答時那桐忽

拍掌諸蒙古議員和之一時秩序紊亂已極。冬十二月資政院開會前內資政院會期三月屆滿。議事未竣。諭令延長十日。至是月十一日延長期間。又經屆滿。著即於本日閉會。時綸綸各國議院自開會以來。開會恒繼續會議。英國常自二三月至六七月。雖其期亦鮮休假期。日本常自十二月間至三月。新年前後率休假期。日論者且以是謂其議員之放逸。蓋各國通例。皆以議院停會為政府示威之一法。實解散之先聲也。非不得已未嘗用之。除被命停會外。則未聞有由院自停者。今資政院開數日始會議一次。此其可議者一也。會期既短。開會次數既少。每次率以兩三點鐘始開會。至五六點鐘散會。於短少之中。又加短少。各國議院往往有議事至夜分者。往往有一人演說至四五點鐘之久者。今每次開議。不過數點鐘。議案則動以十計。非草草首從。即未決而散。此其可議者二也。院中議員以欽選民選兩部分組織。而咸兩造之分子。隱然若兩黨之對峙。凡民選者以為必當攻擊政府。欽選者以為必當為政府辯護。一院之中。對若鴻溝。此其可議者三也。各國國會議決權之範圍。雖有廣狹。其議決者必生効力。今政府於資政院所議決。殆無一不升魁視之。以言法律則資政院可決之法律。政府不施行之。如故。資政院否決之法律。政府施行之。如故。以言預算。資政院所議之預算。案收支不相償者數千萬。而公然敢以提出。於議決削減者。任意不削減。於議決諸為甲項之用者。任意挪用於乙項。且政府不經院議而擬借一萬萬圓之外債。資政院亦不敢抗議。此其可議者四也。本會期中各議員所提出之議案。有僅付審查而未及列於正式會議者。有僅提出而未及列於議事日程者。若明知無列議之望。因而逡巡不提。出者。且不知凡幾。議員漫無聯絡。致院案叢脞。閣置。此其可議者五也。上月十七日。資政院以

軍機大臣不負責任。上疏彈劾之。當奉旨諭。徵引先朝憲法大綱。謂此事非資政院所預及。第二次彈劾案。既議決。旋復取銷。既取銷。又重複表決。旬日之間。情實三變。此其可議者六也。資政院於政府兩次議借外債。一（一萬萬一五十萬）及國會縮短期限。不將議院法選舉法案提出。所議預算案不付議決。院章之改正。行政審判會計檢查法之頒定等。皆本會期最重要之問題。皆不議及。而於地方學務墾務諸章程費去其極重之畧。糾餘如幣制銀行鐵路等。皆本會期斷不可少之質問案。皆不一及之。此其可議者七也。

三年春二月。以大學士世續充資政院總裁。侍郎李家駒充副總裁。世續奏辭不許。夏四月。召集資政院第二次常會。資政院奏請開臨時會議。決借款預算兩事。不許。六月。改訂資政院院章。旋即改定頒行。秋九月。資政院開院。派禮親王世鐸代臨行開院禮。資政院奏參郵傳大臣盛宣懷違法侵權。激生變亂。命革宣懷職。資政院奏請取銷內閣暫行章程。不以親貴充國務大臣。從之。並允將憲法交資政院協贊。資政院奏請速開黨禁。從之。世續因病請開資政院總裁缺。允之。以李家駒為資政院正總裁。達壽為副總裁。資政院奏請頒布憲法信條。宣誓太廟。從之。資政院奏懇准此次革命黨人。按照法律。改組政黨。並賜擢用。從之。資政院奏遵旨議決山東省紳商學界代表請願八條。並擬答復條件。從之。資政院奏遵憲法信條。公舉內閣總理大臣。命袁世凱為內閣總理大臣。資政院奏議決改訂資政院院章。請旨頒布。從之。冬十月。資政院奏懇請降旨。即行剪髮。從之。資政院奏議決改用陽曆。請旨頒布。命內閣妥速籌辦。十二月。李家駒開缺。以奉天交涉使許鼎霖充資政院總裁。

清史紀事本末卷七十九

鐵路國有政策

末帝宣統三年夏四月宣示鐵路政策幹路均歸國有枝路准商民量力酌行從前批准鐵路各案一律取銷如有抵抗即照違制論鐵路國有發之者御史石長信主之者郵傳大臣盛宣懷此為新內閣成立第一政策先是宣懷及載澤等擬借英美德法四國十萬鎊載澤尚猶豫宣懷力懇總之借約遂成立至是以貸款築路宣示天下而日本人亦要求其政府願得有債權宣懷復主張借日款千鎊以調停之命既下直省人民以鐵路商辦已奉有成案擬各舉代表赴京抗議以侍郎銜端方充督辦粵漢川漢鐵路大臣三品京卿鄭孝胥為湖南布政使時湘粵川漢各省士民皆謂粵漢鐵路始由盛宣懷私售美商合興公司光緒二十八年各省人民爭之不惜竭血汗之資慘淡經營僅得收回集股商辦今政府乃以國有政策與民爭利是不啻奪我生命財產付諸外人於是聯會抗爭語頗上達而政府已入宣懷言主張用兵威以壓制人民會員厚議嚴戒暴動但俟諮議局開常年會一律不赴召集各省工商亦同時罷業以示抵抗政府患之以端方當撫湘鄂設倚以籠絡兩省人士乃起復端方為督辦粵漢鐵路大臣而孝胥盛倡國有政策著論載憲批至是遂有孝胥為湖南布政使之命命停止四川湖南兩省鐵路租股旋又允湖南京官奏請停止因路抽收之米鹽捐及房租五小湖南巡撫楊文鼎代諮議局奏稱湘路力能自辦不甘借債奉旨嚴行申飭時湘省保路風潮激然萬眾一心文鼎慮有他變因甘言撫慰許以局議上從密電政府描繪開會情狀謂有匪徒從中煽惑非扶雷定萬鈞之勢不足示威宣懷



亦力贊其說。乃有格殺勿論之諭。署四川總督王人文代諮議局奏稱鐵路改為國有。請飭督  
緩接收。奉旨嚴行申飭。先是川路公司得湘鄂爭路函電。全體贊成。川省京官復再三集議。堅持  
反對國有。及收回股本之說。日本留學界又力主路存與存。路亡與亡之議。川人議以不輸租稅  
為抵制。人文亦以政府顯拂輿情。慨充代表。時宣懷以四國借款。勢成騎虎。因運動載澤力言於  
監國。遂奉旨以鐵路改歸國有。勢無反汗。且藉口上年川路公司人員虧耗鉅款。並有剝削脂膏  
徒歸中飽。殃民誤國。人所共知等語。川中輿情日益憤激。宣布川粵漢鐵路收回詳細辦法。  
御史趙熙歐家康奏劾盛宣懷借債賣路等二十餘款。不報。時廣東同鄉京官聯署劾宣懷。據能  
朝聽。侵權違法。湖北京官胡漢章等聯名抗爭。歷數宣懷罪狀。鄂諮議局亦刊布傳單。召集會議。  
至者數千人。競籌對付之策。趙熙等因疏以入告。政府仍不為動。僅將原摺發交宣懷閱看而已。  
郵傳部奏上英美德四國代表所談川漢粵漢鐵路借款合同。命盛宣懷署理。時宣懷器與  
載澤端方議定鐵路辦法。以已成鐵路為根據。約分四大綱。自京漢南連粵漢為南幹。京張北接  
恰克圖為北幹。京漢東接齊齊哈爾連環春為東幹。正太西接同蒲至伊犁為西幹。載澤乃密告  
監國。請於借款合同題期署詔。復通電各省嚴禁開會。妄議路事。粵路公司致電郵傳部請收  
回鐵路國有成命。先是粵人以各省爭路無效。於是月初十日大集股東於公司。籌策對付。主席  
朱伯乾及各地代表采摭輿論。定議五條。一。萬眾一心。保持商辦之局。致電郵部力爭。並請粵督  
代奏挽回。聯合湘鄂川三省同志。堅持至竟。二。倘政府甘悖先朝成命。違官強佔粵路。粵人宜協  
力同心。妥籌對付。三。擬先就公司置機關部。四。約十五日開第二次會議。五。商辦宗旨既定。董事

所擬五案（一）更換國家鐵路股票二、換領國家公債票三、願領回資本者國家估價歸還四、續繳二三期股銀換國家息債票五、仍援原案堅請商辦（作為無效毋庸投票公決議既定至是電部力爭。旅美粵人亦開會謀對付之法。語極憤激。有云。政府借債築路。名曰國有。實為各國所有。自棄其人民。以與各國。亂命斷難有從。又曰。粵路股銀皆斯民汗血當執定先朝成案。有刦奪商路者。格殺勿論。又曰。路亡國亡。政府雖欲賣國。我粵人斷不能賣路。並昌言國必自滅。而後人滅。此後結局。尚未可知。萬一決裂。僑民當謀種種對待云。四川議員蕭湘李文熙。湖北議員湯化龍。張國銘。湖南議員譚延闓。黎尚雯。羅傑等。聯合爭路。先是川紳甘大璋。迎合政府。竟私將川路股款呈請作為附股。眾大憤。不期而會者十萬人。電請同鄉京官。荆大璋。名籍。並予懲戒。以平人心。蕭湘等以路事關繫全局。非羣策羣力不為功。乃於京師全蜀學堂。延鄂湘兩省京官。組織鐵路聯合會。一致進行。延闓等亦電請都察院代奏。嚴劾盛宣懷罪狀。伏龍等以中書辦萬縣所上爭路公呈無効。力違暢然。變計。隱收民有實效。擬定商民股款。不向政府索回。作為路股。要求發給股票。並要求郵部。許三省商民立查賬會。有稽核度支之權。立論至為和平。而宣懷不許。並意在把持。不容商民有查賬權利也。兩廣總督張鳴岐。嚴示解散粵路股東會。鳴岐於粵路公司開會籌議路事後。復使在籍編修江孔殷。投意董事等。運動金融業抵押股票。得三十萬。欲獲投票多數。以壓制股東會。潮汕鐵路總理費景棠。蒞會。見局量議。業憤不能平。眾遂推景棠為主。席復訂期會議。景棠草定議案。翌日。鳴岐出示禁止開會。取銷議案。粵人大憤。爭持紙幣赴官辦銀行易銀。華僑聞風。私議將股票屬之外人。以為抵制。事雖未行。自是不復信任政府。郵傳大

臣感宣懷與督辦鐵路大臣端方議訂鐵路權限端方雖致湘蜀有力士紳金庫原爲樹柵等及門生故吏之久官兩湖夙有聲望者高凌霜趙鳳瀾馮敬鈞等其收效於無形私謁與助言視事後兩湖本省辦路員紳務在泯除意見與助深察之計其便宜調遣令宣懷與之約法三章將清權限一凡曰省鐵路交涉統歸督辦大臣員司郵部不必過問二以前借款交涉歸郵部擔任與督辦大臣無涉三督辦大臣有奏調辦事人員特權郵部不得干預既定議端方始將檄出都電各省御史商定收買股票辦法不願意者不予強迫換給國家股票性質與商辦畧同蓋思利用四省士紳壓制商民也湖南教育會會長黃忠浩等陳請諸議局公討宣懷專路誤國罪狀湘省自鐵路事起學堂相繼罷課人情日益激憤巡撫楊文鼎奏格殺勿論之謝益用壓力嚴禁學生干預路事忠浩聞之大憤以路事破壞於宣懷宣懷一日不去路事一日不定乃上書諸議局請向政府力爭畧謂諸議局章程職員權限第五款議決本省擔任義務之增加第六款議決本省章程規則之增刪修改第七款議決本省權利之存廢查粵漢湘境鐵路向美國合興公司贖回湖南派出贖路款七百餘萬兩奏由鹽斤口捐項下解付此實全湘擔負最大之義務歷經五年計收過二百八十餘萬兩自奏歸商辦後又收集民股二百餘萬兩嗣後奏准照川省抽收租股一百二十八萬圓房捐股四萬餘圓此項股票定爲優先普通二種按年保息六釐將來公司獲利按成分攤優先股則另提花紅獎勵此爲全湘應有權利亦即湘省單行事件今幹路收歸國有自積極言之固係國家行此屬於資政院應議之範圍然因行此政策而取銷從前之商辦公司是就消極而言實係諸議局章程所列職員權限第五六七各款應由諸議局議決者也此

次幹路收歸國有。但云定為政策其屬於國家行政者既不由貴政院通過其屬於地方權利義務者又不交諸議局議決。斯內閣制而欲總理方辭職而咸宜懷即運動幹路國存定為政策取銷三省公司之鐵業。問上行私破壞憲政百喙莫辭致各國議會聞於變更成法之案視一切諫業為特重。良以法律為人民生命財產之保障。若已成之法可以隨時命令更改。人民生命財產必受莫大之危險。此為野蠻專制之國有之說。稱立憲宜出此忠告等以為諸議局章程既為先朝欽定。即為內外臣民所共守。此次咸宜懷焚毀聖體。擅借外債橫取商民現營業。謂稱定為政策。病國殃民。因不待言。即欲定為政策。亦須先由內閣提議。更改先朝欽定章程。交貴政院通過。始得實行。今章程自章程。政策自政策。咸法破壞。民無適從。此事不能解決。將來諸議局章程皆可消滅。即就路事而言。民有幹路。既可隨時取消。民有枝路。亦何不可隨時取消。現在國勢岌岌。正賴民力共營實業。此次取消三省商辦成局。名為確定政策。不啻逼絕人民實業生機。諸議局為人民代表。竭無限脂膏。費無窮手續。倘章程無效。人民安所託命。諸公對於路事既已函電交馳。倘所爭無效。即請將上項理由。一面呈請撫院代奏。一面連呈資政院。乞宣示中外。此後諸議局章程何條作為有效。何條作為無效。並請嚴治咸宜懷破壞法律謀國殃民之罪。書上為文鼎傾。悉急電鄂督瑞澂詢對待之策。瑞澂覆電於路事不置一詞。但謂對於軍警各界。亟宜嚴備。免致革黨乘機煽惑。連派楚有兵輪上駛。冀以壓力施諸湘民。宜昌宜萬鐵路分公司以停工。激成民變。湖廣總督瑞澂檄宜昌鎮總兵潘瀛洲宜施鶴道吳筠孫會剿。川漢鐵路宜萬一段於上年冬間開工。集成三十餘里。工人數千。大半土著。自幹路國有之說起。各省路局以死力

爭。而宜萬分公司希政府意。遣散工徒。停建築。股東遂請開。不答。股東就赴公司索資。答以路歸國有。應由公家籌還。不得向公司質問。眾股東益憤。遂徒手與執事人相搏。工人和之。公司宇舍器血立毀。警局遣警兵排解。不服。亟白宜昌守。即撤駐宜防營。整隊往彈壓。眾怒其以威利民。沈某數十人。爭起抗拒。斃兵士二十餘。紳商聞警。亟事撫慰。始稍稍引去。五開會議決。雪內閣力爭。守道吳筠孫亟電白瑞澂。遂咨陸軍統制張彪相機剿撫。彪以潘漢帶兵往。六月王人文奏勅盛宣懷借款合同失敗各節。不報。先是盛宣懷與端方電告人。文宜昌黃州路工。准用美國工程司承辦。所需借款。以四川財政作抵。川人大譁。誓死不承認。乃組織保路同志會。既成立。人文蒞會。感川人誠摯。慨然曰。諸君熱心愛國。吾何惜一官。誓與川人相始終。遂具疏嚴勸宣懷誤國殃民罪狀。疏入留中。閏月瑞澂奏請明定路線。以安人心。報聞。端方抵鄂。感於川人郵傳部參議李穆勲之言。擬改川漢路線。鄂境初擬起宜昌。訖漢陽。雖改起宜昌。訖廣水。使穆勲為川路總辦。並委江西道員吳清銘調查三省路線。鄂中輿論大譁。商會因其書抗爭。畢謂鄂境路線究竟起宜昌。訖廣水。抑起宜昌。訖漢陽。關係全省命脈。必須取決公論。設改為宜廣。運輸極為不便。經濟交通亦多窒礙。民情疑懼。滋甚。並附呈宜漢路線簡明圖說。要求瑞澂代表。飭部明白宣示。以安人心。瑞澂未與端方不相能。得書大喜。思借以挽端方。遂據以入告。事下郵部。盛宣懷故左袒端方。通端方電。至。述抵鄂種種情形。並謂部中前定收路辦法。多所不協。須詳加商改。又言洋商承工。督辦必須參攷宣懷忌其爭權。遂疏之。自是端方孤立。益鬱鬱無所展布。王人文以川人爭路風潮。幾徧全國。入告。請示辦法。嚴旨申飭。川中保路同志會既成立。不一月。各府縣相立。

分會以應之。重慶人謂重慶雖外郡。貴川路中心。燕薈華商。聚組交通。稅省會尤重。郡人集會江西會館與會者萬五千餘人。人文熙熙。民志激而愈甚。因以衆情不順。據實入奏。宣懷既人大有意反對。致川人肆志。要挾請旨嚴飭之人。未得電覆。極聲以去。此舉而戒紳民勿得暴動。命湖廣總督瑞澂兩廣總督張鳴岐四川總督趙爾豐湖南巡撫余誠格會辦各省鐵路事宜。盛宣懷以鐵路既歸國有。各疆吏不當坐觀成敗。故有是命。秋七月四川保路同志會聚併先帝像朝夕哭臨。開城學校罷課。商賈罷市。各國駐川領事要求外務部設法保護。是月初一日川路公司股東開保路大會。決議罷市。學堂亦停課。商民供德宗牌位。舉哀。南至邛雅西迄綿州。北及順慶東抵榮隆。號泣之聲達於遠邇。重慶為通商口岸。外人商業所萃。各國領事因照會政府。請設法保護。將軍玉崑總督趙爾豐等聯名奏請川路暫歸商辦。政府不允。四川保路會代表劉聲元上書請嚴治盛宣懷罪。以謝天下。被逮尋釋之時。川事日亟。川中同鄉京官公呈內閣。歷陳川路現辦情形。並將往來電文索呈。請迅定辦法。以安人心。時保路會代表劉聲元抵京。以政府大臣多與宣懷比。雖必為宣懷。更獲掩飾。不如速呈監國。民情或可上達。乃兩揭監國。皆為門者所拒。聲元跪地安門外。侯王至。即擲與呈遞。令速交步軍衙門訊問。統領馬珍監其誠。搜送聲元歸。端方奏勅趙爾豐庸懦無能。命端方帶兵入川查辦。端方電勅爾豐破壞路事。係瑞澂袁世凱以代之。而朝旨即命端方赴川查辦。端方懼不進。奏電商之。盛宣懷宣懷請飭端方自湖北帶兵入川。鄭孝胥初抵湘。知民氣方漲。未可以壓力勝。因假會議官制返京師。至是端方奏調參贊路政報可。度支大臣載澤郵傳大臣盛宣懷請以御史趙炳麟總辦廣東鐵路。辭不赴。是月十一

日粵人在香港開保路會成立大會與會者萬餘人公推劉少雲梁楚三代表粵路代表起程時  
開哀送會會員白衣冠送之宣懷電令張鳴岐解散保路會端方遣粵紳顏世清調查粵路川紳  
羅崇齡專辦廣州至三水鐵路復以炳麟為人望所歸電商載澤宣懷請以炳麟總辦鐵路炳麟  
不為屈辭甚堅宣懷無論政府如何勸勉如何迫趣決不願擔任路事時廣西士紳亦擬公舉炳  
麟督辦鐵路炳麟亦峻却之四川保路會代表劉聲元再上書請慶親王英勳代奏謝文步軍  
統領遞回四川原籍交地方官嚴加管束聲元等樹書至慶邸痛陳川中危迫情形請將盛宣懷  
立予罷斥治罪奏助心雖不善宣懷所為究目聲元為多事未幾即有押解四川之旨故京川人  
臨歧哭送者數千聲元慨然曰路亡川亡川人宜哭川不宜哭聲元聞者益慟解役亦涕泣不已  
命趙爾豐剿辦四川爭路人民川人間端方督兵入川益憤是月十五日公舉代表請督署求  
阻端方入蜀爾豐允為代奏繼以前此代表無效端方等反資為口實遂負氣不欲再為過問代  
表泣懇再四請議局副局長羅綸語稍激眾和之爾豐怒遂拘保路會會長度支部主事鄧孝可  
股東會會長編修顏楷貢生張瀾及諸議局局長法部主事潘殿俊舉人羅綸民政部主事胡燏  
舉人江三乘素誠王錫新等於署中人民相率至署哀求釋放統領田徵葵命衛兵開鎗擊斃  
四十餘人爾豐以川人藉爭路為名希圖獨立並發布自保商榷書擁戴羅綸為首領意在變亂  
與路事無涉飛電入告故有是命時近省各縣民團多為官兵焚殺死者甚眾命岑春煊前往  
四川會同趙爾豐辦理剿撫事宜春煊至武昌與瑞澂議不合遂稱疾會爾豐奏剿辦得手制  
許春煊還上海瑞澂還川紳耆相於漢口出之川路議局副議長法部主事蕭湘自京至漢清

理路欲端激聞其來懼其鼓動鄂人並遣兵警渡江就漢口鳳臺旅館連交武昌府看管八月  
以接收湖北境內粵漢川漢鐵路辦理迅速端激等傳旨嘉獎以袁世凱為湖廣總督岑春煊  
為四川總督時武昌民軍起端激通武昌漢陽及漢口俱為民軍所佔領重慶亦告急乃起復世  
凱督鄂促岑煊即日銷假督川均著暫辦則撫事宜撤去王人文川漢邊務大臣以趙爾豐代  
之入以端方署川督廣東提督李準奏勸盛宣懷病國殃民端方奏勸王人文姑息釀禍皆不  
報人文雷爭路掌事力庇人民為端方所深忌準以川人攻宣懷政府疑其左袒揭上督留中  
岑春煊條陳川事治本治標二策下郵傳大臣議春煊在滬電致政府論川事當分本標二策治  
本者當申明鐵路國有本以利民許民附股未忍使川民稍受虧損特以辦法稍涉操切且與湘  
粵等省顯分厚薄因而激成忿爭為川民宣布德意有不願附股者一律發還治標者則宜先撤  
李穆熱以慰川人之心謝交盛宣懷議奏九月以違法私行貽誤大局革郵傳大臣盛宣懷職  
資政院疏參其違法侵權激生變亂也並將內閣總理大臣英鈞協理大臣那桐徐世昌交該  
衙門議處命趙爾豐釋放因爭路被捕士紳並將王人文趙爾豐交內閣議處趙員田徵葵等  
革職遣戍有差



清史紀事本末卷八十

民軍起事及下詔辭位

末帝宣統三年秋八月武昌民軍起推第二十一混成協統黎元洪為都督總督瑞澂逃武昌漢陽及漢口鎮俱為民軍所佔領是年三月間革命軍起事於廣州影響播及湖北瑞澂即下戒嚴令久之寂然及是月初旬瑞澂接政府密電謂革命黨將於武漢起事宜加意防範瑞澂飭第八鎮統制張彪水師巡防統領陳得龍巡警道王履康軍事參謀鐵忠等嚴行搜捕凡兵俄兩租界小朝街黃土坡千家街總督署隨時於凡黨人行蹤及炸彈手鎗等物先後捕獲五十餘人於十八夜斬劉汝夔楊宏勝彭楚藩等三人於督署前電奏到京朝旨嘉獎十九夜工程第八營左隊忽譁起鎗斃排長陳官數人於是工程全隊及步隊同時響應更迎合駐紮城外之破隊八標馬隊八標入城先奪楚望臺軍械局稍重營縱火攻督署瑞澂鐵忠履康與藩司連甲倉皇登楚豫兵輪張彪得龍亦各棄營逃民軍遂佔武昌翌晨分兵下漢陽漢口及兵工廠推元洪為都督諸議局議長湯化龍為總參議議員張國溶夏壽康為副參議即以諮議局為軍政府出示安民秩序井然復照會駐漢各國領事畧謂貴領事如能承認軍政府為獨立團體不加干涉則外人生命財產及租界治安軍政府擔任保護自宣告獨立以前滿洲政府所借外債及賠款俱照約履行以後如有借款則不能承認各領事會商當即承認為父戰國旋又接據駐漢領袖領事俄領事照會云頃據瑞澂鄂督瑞澂藏匿租界求本駐署保護聞此殊堪詫異竊本總領事奉命駐漢祇理交涉事宜其餘毫不干預矧此次民國軍叛與義舉本領袖素經聚議各領事均守中立決定

兩不相助。恐或懷疑莫釋。即至本駐署密查。可也。持此聲明。以釋疑團。隨各電告本政府。各政府俱贊成。美國首先宣告中立。英法繼之。俄日又繼之。二十一日。朝廷命陸軍大臣蔭昌督兵兩鎮前往湖北。海軍提督薩鎮冰督兵艦。長江提督程允和督水師赴援。革瑞滋張彪。雖仍令瑞澂署總督。帶罪圖功。並停止秋操。又命各省緩徵綠營巡防隊三十三日。起復前軍機大臣袁世凱為湖廣總督。岑春煊為四川總督。均督辦剿撫事宜。二十四日。京師戒嚴。九月。湖南長沙民軍起。推焦大為都督。陳作新為副都督。防營統領總兵黃忠浩死之。先是湘撫余誠格聞鄂警。後已將新軍調駐城外。防範頗嚴。時鄂省以孤軍支絀。各省互存觀望。其勢危甚。忠浩入擬調為外巡。防各隊進擊鄂軍。大茲時在湘垣聞之。憤然曰。中國存亡在此一舉。死生以之。猶豫莫為。乃於光月初一日。將新軍分道進攻省城。一為陸軍。縱營大茲自領之。來自小吳門入。一為陸軍。標營作新領之。北自湘春門入。小吳門守城之巡防營尚力拒。大茲因曉之曰。吾儕同為漢族。同袍何必相若。防軍遂開門放入。城外新軍直赴軍械局。搜得鎗械子彈。乃合趨撫署。忠浩時在署中。聞變方謀出阻。已為新軍所戕矣。勸業道曾煥若營務處王誠江。長沙縣沈濤均被殺。誠格由署後逸出。趨入水師營。而水師亦懸白旗。乃乘湘帆小輪以遁。翌日。軍學各界大會於諮議局。公推大茲為都督。作新為副都督。大茲受事後。知鄂事急。遂發四十九標援之。江西九江民軍起。推第五十三標標統馬毓寶為都督。初。武漢警報至九江。礮臺營官徐世法運動新軍為響應之預備。毓寶遂於是月初二日舉眾起事。先由金鐘坡礮臺舉礮三聲。次由各營發鎗三響以應之。於是九江通保恆知府璞良防營統領張梅均逃去。民軍即於道署內設駐。海軍政務處毓寶為都督。主

持軍務。九江礮臺奉歸世法統轄。陝西西安民軍起。推張鳳綢為都督。陝西民黨開武漢獨立。車駕將返陝。欲為先發制人之計。遂於是月初二日。懸白旗舉事。新軍先鋒起防營應之。趨入省垣。先據藩庫。進據軍裝局。巡撫錢能訓聞警逃。其他官吏或走或降。商民安堵如故。由軍政府宣告滿漢四民一視同仁之意。派學生隊代表赴將軍署協商一切。旗兵反以巨礮轟斃學生四百餘人。情大憤。遂有殘殺旗人之事。廣州將軍鳳山被刺。是年三月初十日。署廣州將軍孚琦至廣州東門外。觀法人演放飛機。返至諮議局前麒麟閣門次。為嘉慶州人溫生材所鎗斃。朝命鳳山往代之。鳳山於是月初四日抵粵。甫登岸。至南倉關前首約（地名分有奇二三四等約）地方。順德縣人周之貞伏於倉前街一商店內。由窗隙射發雙彈。鳳山遂被炸死。授袁世凱欽差大臣。節制各軍。以馮國璋總統第一軍段祺瑞總統第二軍召陰昌回京。山西太原民軍起。推混成協協統閻錫山為都督。巡撫陸鍾琦死之。先是鍾琦聞陝西警訊。急派新軍之第一第二兩營出防潼關。恐其中途折回。續派第三營隨其後。三營中有排長王建安者。潛赴二營管帶姚維藩營中告密。謂將於途中出不意擊之。俾首尾不相顧。維藩大憤。遂於是月初八日黎明。聯合一營襲入太原城。鎗聲大作。眾湧至撫署。鍾琦親出彈壓。被斃。其子翰林院侍講陸光煦及協統譚振德管帶熊國斌皆被殺。不數時。滿駐防城亦擊破。瑞澂潛逃至上海。命兩江總督張人駿派員擊解來京治罪。下詔罪己。詔若曰。朕用人無方。施治寡術。政地多用親貴。則顯戾憲章。路事朦於食土。則動違輿論。促行新政。而官紳或藉為周利之圖。更改舊制。而權豪或祇為自便之計。民財之取已多。而未辦一利民之事。司法之詔屢下。而實無一守法之人。馴致怨積於下。而朕不

知禍迫於前而朕不覺云云。謝開黨禁。所有此項黨人均著准其按照法律改組政黨。藉以養成人才。收作國家之用。雲南省城民軍起。推第三十七協協統蔡錫為都督。第十九鎮統制鍾麟同等死之。都軍政府檄至滇。是月初九夜九時。新軍即譁起。先由駐紮北校場之七十三標攻入北門。節次進據電報局軍械局及督學署各署。翌日黎明。七十四標抵營。嚴營馬隊機關鎗等。同時佔領南城大東城等部。午間全城大定。總督李經羲及司道均先避出縣。同及兵備處總辦道員王振鐸管帶范鍾岳均被殺。江西南昌民軍起。推十七協協統吳介璋為都督。巡撫馮汝駉死之。南昌自九江事起。亦於是月初十夜宣告獨立。汝駉交出巡撫印信。後由介璋派連並隊進出城。再自殺。以袁世凱為內閣總理大臣。命即回京。組織內閣。起復前兩江總督魏光燾為湖廣總督。長沙兵變。焦大竑陳作新均被殺。改舉諮議局議長譚延闓為都督。大竑既任湘都督。擬銳志復鄂。領軍北上。曾大會解聯。眾不可。是月初七日。更出示宣言。告邀各界。又派代表堅留。時忌者密議欲殺之。煽惑軍隊。謂大竑領鄂餉數十萬。私為已有。並謂焦大竑早為人所殺。今非本人。初十日下午。有軍人至軍政府。說稱和豐公司有兵變擾事。始作新出城彈壓。而殺之於北門（即湘春門）。外東廠宮廟前。設有軍一隊。伴為備物。竊單者。誘大竑出而殺之。由新軍推代表至諮議局。要求延闓接任都督事。頒布憲法信條。擇期宣誓太廟。先是第二十鎮由奉天調赴前敵。至灤州。統制張紹曾與泥成協協統藍天蔚等電奏。要求實行立憲。並憲法由議院制定。疏入政府。大驚。即命資政院起草憲法。是月十三日。先行擬定憲法內重大信條十九條。入奏。即命刊刻。懸黃宣示天下。命統兵大員。剴切布告。宣布朝廷德意。要速安撫。俾皆曉然於朝廷實心與民更始。不忌。

再以兵力從事。又命各省統兵大員申明紀律。賞張紹曾侍郎銜。授為宣撫大臣。赴長江一帶。宣布朝廷德意。貴州貴陽民軍起。推新軍教練官楊盡誠為都督。貴陽於是月十四日宣告獨立。是日由新軍排隊入城守護藩庫及大藥局。改諮議局為軍政府。開會。公舉盡誠為都督。隊官趙德全為副都督。官界除巡撫沈瑜慶外。一律仍舊。居民安堵如故。浙江杭州民軍起。推革職江西按察使浙路總理湯壽潛為都督。初鄂事起。浙撫增韞疑新軍不為用。特抽調各路巡防營。集省城以為戒備。時新軍防營已互相聯絡。而增韞不知也。及是月十三夜。諮議局副議長沈鈞儒謁增韞。請將營壘拆卸。滿人編入漢籍。以免戰爭。增韞不允。翌午。官商會議於撫署。多數紳界請增韞暫成獨立。仍不允。紳商瀕行時。有警告增韞者。亦不省。至夜半二時。城南北之新軍同時起。以炸彈焚燬撫署頭二門。遂佔領之。次據軍械局。破馬福各營。分守銀行教堂。並巡街市。秩序整肅。增韞為民軍所拘。尋以兵護送出境。司道織造各官均逃去。將軍福濟遂降於民軍。繼槍械且戮其協佐領貴林。將炳哈楚章。臺海四人。以為反抗者。戒旗人悉編入民籍。江蘇蘇州民軍起。推巡撫程德全為都督。時江蘇之上海已先二日為民軍佔領。推陳其美為都督。警信至蘇。蘇之政學軍警各界領袖及地方人民代表。齊至撫署要求宣布獨立。德全允之。遂於是月十五日宣告光復。署山西巡撫吳祿貞在石家莊被刺。祿貞任第六鎮統制。以蔭昌兵在漢。盡擄燒殺。因奏言蔭昌督師無狀。乃參謀丁士源易廷謙。連迎所殺。請旨嚴懲蔭昌惡之禁衛軍第一協協統良弼。族之尤甚。故改命為晉撫。以釋其兵柄。又重賂其部下第十二協協統周符麟。使引旗兵。於是月十七夜。刺殺祿貞於石家莊營次。時陸軍部為兵料科長張世膺以事來營中。亦遇害。

釋汪兆銘黃復生羅世勛於鐵光銘等以上年二月謀刺攝政王未成處以永遠監禁之罪至是因開黨禁釋之發交兩廣總督張鳴岐差委 廣西桂林民軍起推巡撫沈秉堃為都督廣西間鄰省相繼獨立巡撫沈秉堃遂不待士民要求宣告獨立士紳欣然於是月十七日公推秉堃為都督安徽安慶民軍起推巡撫朱家寶為都督先是鄂軍政府撤至皖中各新軍咸欲乘機而起家督命將第十一第十二兩標子彈收回並飭令全體解散諸議局聞之大譁於是月十五日提議三大問題請家寶答復翌日答復云軍心如如此民心亦如此各省相繼而行令人束手無策請諸公籌畫採擇進行局中乃於十七日開會所議五條一將散兵招回為民軍二巡道已告逆當由諮議局辦理三請將江防營撤回以保治安四取銷督練公所五財政請滿司移交諮議局各衙門支款即日停止十八日即宣布獨立舉家寶為臨時都督 廣東廣州民軍起推胡漢民為都督是月十八日粵省紳商請於總督張鳴岐宣布獨立仍推鳴岐為都督提督龍濟光為副都督定於十九日舉行鳴岐陽許之辰胡士民齊送都督印信於督署而鳴岐已於前一日走香港乃推漢民為臨時都督以陸軍統領陳炯明副之 福建福州民軍起推第十鎮統制孫道仁為都督總督松壽將軍撲殺死之撲殺自閩都督防範新軍甚至藥庫子彈悉運入旗界復於界內安設大礮埋伏地雷又有旗弁文楷等組織殺漢黨居民聞之惶惶多遷徙城外是月十八夜忽有旗兵數百擁入漢界縱火其法用水龍灌以石油激射屋頂火勢甚烈新軍即時推舉第二十協協統許崇智為總司令官督師與旗營宣戰旗兵披靡應白旗乞降繼軍械松壽聞而自盡翌晨擒撲殺之都統勝恩藩司尚其亨均派兵護送出境由是人心始安遂公舉道仁為都督 海軍

各艦歸附民軍先是有鮑清幫帶陳德及學生劉樾劉勳名楊砥中常光球等三十餘人組織敢死隊於是月二十一夜起事各輪同時響應願為民國効力遂一律開往鎮江歸於鎮軍都督林述慶計饒清係民楚觀江元江可建威通濟楚同楚恭飛鳳楚連虎威江平及張子龍魚雷艇共十四艘皆卸去武裝山東省城紳士奏請獨立推巡撫孫寶琦為都督初濟南士民聞廷議以軍餉浩繁將向德國借款三百萬以山東全省土地作抵遂於諮議局議決八條要求寶琦電告政府一政府不得借外債充軍餉以殺戮同胞二政府須即速布罷戰書無論南軍要求何件不得不允許三現駐山東境內之新軍不得調遣出境四現在山東應解餉款及節省項下暫停協解概留本省練兵振荒之用五憲法須註明中國為聯邦政體六外官制地方稅皆由本省自定政府不得干涉七諮議局章程即為本省憲法得自由改定之八本省有練兵保衛之自由由政府覆電於要求各件皆允許時省垣已聞江浙等省相繼獨立復於是月二十一日大會寶琦以次各官及新軍官弁咸至羣請寶琦贊成獨立寶琦許之遂舉寶琦為臨時都督第五鎮統制賈德懋為副都督蘇浙滬民軍會攻南京推第九鎮統制徐紹楨為聯軍總司令時上海蘇州常州鎮江清江揚州松江皆先後獨立南京士紳曹錕請江督張人駿贊成獨立不允並令紹楨所駐之新軍移紮林陵間不給予彈而謂江防會辦張勳之巡防營守城是月十七日紹楨率全軍與由滬至寧之民軍進逼雨花臺張勳聞有內應開城搜殺凡巡士及督署衛隊多有被殺者餘如良民或無難幾或身有白布白帶者亦被殺約計不下千人十九日民軍攻雨花臺不利退至鎮江蘇浙滬各派兵會之桂林兵變改舉提督陸榮廷為都督桂林軍界有與都督沈東望有

陳春於二十日夜。喉使巡防營十四十五兩隊。譁變謀劫藩庫。不得入。轉政諸議局及重報局。皆毀。事平。東望遂萌退志。尋託北伐之名。辭職去。奉天省城設保安會。奉天紳民謀獨立。因軍界不贊成。乃改設保安會。推總督趙爾巽為正會長。旋吉林黑龍江兩省亦設保安會。各推巡撫為會長。江西改舉彭程為都督。先是江西軍界有與都督吳介璋不睦者。貽書介璋。責其不勝都督之任。云將以鐵血從事。旋即傾悉貽書人。各界欲誅之。介璋以保全地方為宗旨。力戒不可輕啟釁端。致陷人民於塗炭。即於是月二十二日。開會辭職。各界挽留不獲。乃改舉程為臨時都督。命近畿各鎮及各路軍隊。並提督委桂題所部。均歸袁世凱節制。調遣派張謇等為各省宣慰使。江蘇派張謇。浙江湯壽潛。福建江春霖。湖南譚延闓。廣東梁鼎芬。廣西趙炳麟。四川喬樹枬。江西謝遠涵。山東柯劭忞。山西渠本翘。雲南王文。陝西高增爵。分赴各處撫慰勸導。宣布朝廷實行改革政治宗旨。命各省選派代表三五人來京。公同會議。以定國是。安徽兵變。朱家寶出走。當家寶初為皖督也。有王天培者。自稱奉湖北軍政府命。為安徽都督。士民逐之。是月二十四日。有海軍至。向總司令黃煥章索餉不得。即擁至督署。家寶聞警。絕城逸。海軍遂焚都督府。奪軍械局。攻新諮議局。刺庫款。是夜防營復搶掠紳富之家。及商店公典。秩序大紊。袁世凱組織內閣。成世凱既奉任命。屢辭不許。是月二十六日。入閣辦事。薦舉梁敦彥為外務大臣。趙秉鈞為民政大臣。嚴修為度支大臣。唐景崇為學務大臣。王士珍為陸軍大臣。薩鎮冰為海軍大臣。沈家本為司法大臣。張謇為農工商大臣。楊士琦為郵傳大臣。連壽為理藩大臣。並以胡維德等為各部次官。停泊九江之海容海壽海琛三兵艦。又魚雷數艘。歸附於九江民軍政府。冬。



十月四川成都民軍起推蒲殿俊為都督是月初二日四川之重慶府已宣告獨立成都士紳請將軍王恩勸諭旗人繼擁歸民軍保護遂於初七日宣布獨立以元復漢陽功賞馮國璋二等男爵署四川總督端方至資州為軍士所殺端方入川聞湖北民軍起謀北走陝西至資州所帶湖北軍士斬其首送鄂各省民軍政府舉伍廷芳為外交總長各省民軍政府公推鄂軍政府為中央軍政府山東取銷獨立山東宣告獨立時孫寶琦曾向紳民宣誓三條一山東全省人民自今對於北京斷絕一切關係二以山東全省加入中華民國政府三關於本省內部之組織分為議決行政軍政各部相表共濟俟大局定後共和政體完全成立再行變更政府聞而大驚慶王奕劻內閣總理大臣袁世凱亟電交馳皆責其兩林寶琦因而大恚遂電奏請罪取銷獨立名義廷旨且嚴責之至是世凱遣張廣建吳炳湘至濟南命署布政使及巡警總辦合第五鎮統制吳鼎元等取銷獨立從以廣廷代賈琦為巡撫外蒙古庫倫宣告獨立並辦事大臣三多民軍攻取南京張人駿等逃江蘇都督程德全親督民軍攻南京是月初三日視師丹陽江浙聯軍推德全為海陸聯軍總司令長駐高資前鋒至棲霞山初四日侵晨與防軍遇於孝陵衛民軍戰勝副將王有宏死於陣遂佔領烏龍山礮臺初四日正午佔領幕府礮臺午後佔馬蔣孝陵衛一帶初六日遂以礮毀太平門北極閣防軍死傷者三十餘人而孝陵衛獅子山雨花臺皆為聯軍所奪初七夜攻神策門總督張人駿將軍鐵良由北極閣走匿日領事署初八日聯軍攻破太平朝陽兩門恐伏有地雷不敢進初十日聯軍戰勝於浦口十二日晨八時防軍有開太平門以迎聯軍者九時防軍將曹榮華率千人糾令宣率三百人皆降於聯軍至午後二時聯軍進

伍而花臺獅子山礮臺及清涼山大藥軍械局即以礮毀南門儀鳳門太平門四時大砲入城搜地需毀之張勳走徐州人駭鎮民來日本礮艦逃往山東之青島翌日民軍推程德全改任江蘇都督移駐南京河南巡撫寶善開缺以齊耀琳代之以倪嗣冲為河南布政使武漢南北兩軍議和停戰三日嗣又展期三日監國攝政王載瀝以醇親王退歸藩邸以世續徐世昌為太保命臣民自由剪髮袁世凱委任唐紹怡為全權代表與民軍議和江西改舉馬誠寶為都督當彭程禹之被推為都督也程禹誓死力辭衆強之乃允暫攝都督五日宣言於五日內迅即組織第三都督並由各界議決改舉駐清都督馬誠寶為江西都督遣人赴海迎之而誠寶以武漢戰事方亟九江防守宜嚴遲至是月十九日始抵南昌接都督任四川成都兵變改舉尹昌衡為都督先是是月十八日川省先鋒隊三千餘人譁餉戕官劫庫焚掠市肆計官民損失數逾十萬以上都督蒲殿俊副都督朱慶瀾皆避去城中主持無人擾亂至一晝夜之久呂衡時為陸軍小學總辦急入鳳凰山營激勵將士率之入城次日復涕泣誓師以掃除亂兵為已任於是軍心感動推呂衡為都督羅綸為副都督呂衡受事後極力維持秩序大局安定以馮國璋充禁衛軍總統官以良弼為軍諮使命前都督大臣唐紹怡為全權代表與民軍議和代表伍廷芳等會議於上海英租界之市政廳時又展停戰期十五日嗣又展期七日山西巡撫張錫鑾帶兵至太原時民軍山西都督閻錫山因兵軍退駐平陽府錫鑾督師攻入娘子關錫山遁走軍心因以不固致潰散遂棄太原十一月四川成都民軍殺前川督趙爾豐成都宣告獨立後爾豐猶擁兵居總督署十八日之變爾豐猶用舊總督名義出示招安亂兵是月初三日民軍

乃因政體暫老。摘爾豐穀之於明達樓側。安嚴舉孫毓筠為都督。九月二十四日。海軍譚延於  
要處督朱家寶過去。及海軍政府參謀長李烈鈞率軍至。劉除亂兵士民乃請烈鈞暫攝都督  
事。一面公請大進軍政府分府黎宗熾為都督。宗熾未至。至是月初三日。皖中乃改舉毓筠為都督。  
廣東舉副都督陳炯明代理都督。時孫文師國過香港。胡漢民從之至上海。由炯明代攝都督  
事。命開臨時國會。公決政體時南北議和代表因所主張政體不同情形。電達內閣。故降詔召  
集臨時國會付之公決。而命內閣將選舉法妥議施行。各省民軍代表選舉孫文為臨時大總  
統。是月初十日。十七省軍政府代表大會於江寧舊諮議局。正式選舉總統孫文當選為臨時大  
總統。中華民國臨時大總統孫文在南京就任。民軍以江寧為臨時政府。是月十三日。孫文履  
任。改用陽曆。以是日為民國元年元旦。江蘇舉莊維寬代理都督。時程德全因病不能視事。故  
舉維寬代理移駐蘇州。袁世凱撤銷唐紹儀和代表。紹儀與伍廷芳等在上海議定國民會  
議召集方法。電達北京。世凱不允承認。紹儀辭職。允之。世凱致廷芳電謂。嗣後應商事件。直接電  
商。民國各省代表選舉黎元洪為副總統。伊犁民軍起。推前任將軍廣福為都督。將軍志銳  
死之。袁世凱途過炸彈。未傷。獲從衛隊隊長袁金標及兩排長隊兵三名皆死之。是月三十日。  
世凱赴汴行至王府井大街。遇炸刺。各張先培黃之錫揚品三皆被殺。較前於東菜市。十二  
月錫封袁世凱一等侯爵。世凱固辭不受。軍諮使民弼被刺。是月初八日。民黨彭家珍冒名奉  
天講武堂監督索榮。至西城紅羅廠民弼寓宅拜謁。適民弼自肅王府歸。雨下車。與家珍遇。彈從  
炸民弼左腿立斷。家珍已傷頭部。先斃。民弼死二時始蘇。謂母曰。殺我者好英雄也。真知我也。從

語而席康誤謂曰我死不足惜惟清廷宗社從此滅亡為可恟耳上年我奏請放釋黨人計開國  
會皆不我聽今秋變起請以禁軍赴前敵又不我用而妻之陰昌肉廷紛爭外患四起我宗社之  
亡將無日也我見政府不可為始組織宗社黨南有頭緒欲實力進行而我就受此慘慟我死清  
廷亦隨之亡也刺我者已死我知之也延至初十日午間遂卒 授袁世凱全權與民軍商酌進  
後條件時第一軍總統官段祺瑞等四十六人電請速定共和此體隆裕太后謝朝廷何忍以一  
姓之身榮貽萬民以資禍惟是宗廟陵寢以及皇室之優禮皇族之安全八旗之生計蒙古回藏  
之舊典均應預為籌畫故授袁世凱全權與民軍研究一切辦法 隆裕太后下詔奉帝將統治  
權公諸全國清亡袁世凱與民國議和代表議定優待皇室八條一帝但卸政體不廢尊號  
中華民國以待各外國君主之禮相待二皇室經費歲由中華民國撥用四百萬兩三帝暫居宮  
禁四宗廟陵寢由中華民國保護五德宗陵制如舊妥修六宮內各項執事人員照常留用惟不  
得再招關人七皇室私產由中華民國特別保護八原有之禁衛軍歸中華民國陸軍部編制額  
數俸餉如舊待遇皇族四條一王公世爵仍舊二皇族對於中華民國國家之公權及私權與國  
民同等三皇族私產一體保護四皇族允當兵之義務得通滿蒙回藏七條一與漢人平等二保  
其原有之私產三王公世爵仍舊四王公中有生計過艱者設法代籌生計五先壽八旗生計  
於未壽定之前八旗兵弁俸餉仍舊支給六蠲除從前營業居住等限制各州縣聽其自由入籍  
七滿蒙回藏原有之宗教聽其自由信仰以上條件經世凱奏入太后屢召皇室會議至是月十  
九日決定下詔辭位二十五日帝退便滿洲入主中國二百六十八年至是乃亡